

四庫全書

子部

欽定四庫全書

子部

御定淵鑑類函卷一百九十四

詳校官_臣閻學士_臣尹壯圖

主事_臣祁韻士覆勘

總校官檢討_臣何思鈞

校對官中書_臣朱烱

謄錄監生_臣蔣鳳牲

欽定四庫全書

御定淵鑑類函卷一百九十四

文學部三

書籍

奏

求書

誦讀

寫書

藏書

借書

書籍一

增白虎通曰三王百世計神元書五帝之受錄圖世史

記從政錄帝魁已來除禮樂之書三千二百四十篇也

隋經籍志曰大道方行俯龜文而設卦後聖有作仰

鳥迹以成文書契已傳繩木棄而不用史官既立經籍
於是興焉 宋史田錫太平御覽序曰聖人之道布在
方冊六經則言高旨遠非講求討論不可測其淵源諸
史則跡異事殊非參會異同豈能記其繁雜子書則異
端之說勝文集則宗經之辭寡 墨子曰吾嘗見百國
春秋 文心雕龍史傳篇曰開闢草昧歲紀縣邈居今
識古其載籍乎 又諸子篇曰逮及七國力政俊乂蠶
起孟軻膺儒以罄折莊周述道以翱翔墨翟執儉確之

教尹文課名實之符野老治國於地利騶子養政於天
人申商刀鋸以制理鬼谷鼓脣以策勲尸佼兼總於雜
術青史曲綴以街談書史百家問曰卦分河洛圖演
天文文籍於是濫觴書契以之抽緒皇墳帝典述紀言
以聯鑣五傳六經貯禮樂而齊騫斯並懸諸日月煥乎
文章至如諸子相騰小說奔競有慙屑玉之化無異雜
鉛之寶

書籍二

增拾遺記曰帝堯在位至德光洽河洛之濱得玉版方尺圖天地之形又獲合璧之瑞文字炳列記天地造化之始 吳越春秋曰禹傷父功不成愁然沈思乃案黃帝中經歷蓋聖人所記曰在于九山東南天柱號曰宛委其書金簡青玉為字編以白銀皆琢其文禹乃東巡登衡嶽血白馬以祭不獲所求乃登山仰天而嘯因夢見赤繡衣男子自稱元夷蒼水使者東顧謂禹曰欲得我山神書齋於黃帝巖嶽之下三月庚子登山發石金

簡之書存矣禹退文齋三月庚子登宛委山發金簡之
書案金簡玉字得通水之理 大戴禮曰武王踐阼三
日召諸大夫而問焉曰烏有藏之約行之博萬世可以
為子孫常者乎師尚曰在丹書書之言曰敬勝怠者吉
怠勝敬者滅義勝欲者從欲勝義者凶云云 穆天子
傳曰仲秋甲戌天子東遊次於雀梁口蠹書於羽林

抱朴子曰吳王伐石以治宮室於合石之中得紫文金
簡之書不能讀使使者持以問仲尼而欺仲尼曰吳王

閑居有赤雀銜書以置殿上不知其義故遠諮呈仲尼
視之曰此乃靈寶之方長生之法禹之所服藏在水邦
年齊天地朝於紫庭者也禹將仙化封之名山石函之
中乃今赤雀銜之殆天授也 荊州記曰小酉山石室
中有書千卷相傳秦人於此而學因留故梁湘東云訪
酉陽之祕典是也 拾遺記曰晉泰始元年有頻斯國
人來朝言其國有大楓木成林高六七十里樹東有大
石室緝石為牀牀上有竹簡長尺二寸書大篆之文皆

言開闢以來事人莫能識或言是伏羲畫卦之時有此
書或言蒼頡造書之處 神仙傳曰王烈字長休入河
東抱犢山中見一石室中有石梁梁上有素書兩卷烈
取讀莫識其文不敢取暗書數十字以示嵇康康盡識
之烈喜乃與康共往讀之至其道徑了了分明比及又
失其石室所在 晉書荀勗傳曰得汲郡冢中古文竹
書詔勗撰次之以為中經列在祕書 南史傳曰江淹
字文通襄陽人開古冢得玉鏡及竹簡古書字不可識

淹以科斗字推之則周宣王之簡也簡殆如新 玉海
元祐七年五月十九日祕書言高麗獻書多奇本館閣
所無詔校正二本別寫藏太清樓天章閣

書籍三

增充箱

連屋

文心雕龍諸子篇曰逮至魏晉作者間出調言兼行環語必錄類聚而求亦充

箱照軫矣

杜甫何將軍上書連屋

鳳銜

麟吐

竹書紀年曰孟春六旬五

山林詩曰牀上書

緯聚房後有鳳皇銜書遊文王之都搜神記曰孔子夜夢豐沛邦有赤煙氣起顏回子貢往觀之到楚西北范氏之廟見芻兒捶麟傷其前左足束薪而覆之孔子曰兒來汝姓為誰兒曰吾姓赤松字時僞名受紀孔子

發薪下視麟蒙其耳吐
書三卷孔子受而讀之

觀太史

授老人

二上詳春秋
史記

傳曰張良遊下邳橋上有一老人隨履圯下顧謂良曰
孺子下取履良下取履因跪進父以足納履曰孺子可
教矣後五日平明與我期此後五日夜半往有頃父
方來喜曰當如是出一編書曰讀是則為帝王師

積丘山

汗牛馬

風俗通曰武帝開獻書之路訖於元
始百有餘年書積如丘山柳宗元

陸文通先生墓表曰其為書
處則充棟宇出則汗牛馬

充幣帛

映簪笏

崔羣
送符

載歸蜀省觀序曰將聖賢典籍充人子幣帛
石瑤送武朝信守寧波詩曰牀頭書卷映簪笏

明
啓

龍圖

披鳳篆

唐太宗帝京篇曰玉匣啓龍圖金繩
披鳳篆韋編斷方續縹帙舒還卷

青汗簡

白雲篇

韻府羣玉云以火炙簡令汗取汗為
書杜甫贈田舍人澄詩曰晴窓檢

點白雲篇

樂於千石

何假百城

文心雕龍王充翫揚子雲之篇樂於居千石之

官挾桓君山之書富於積猗頓之財魏書傳曰李謐字永和屢辭徵辟結宇依巖鑿室耽學每曰丈夫擁書

萬卷何假南面百城

九流異軫

百氏齊鑣

許南容書史百家對云云

組

織仁義

琢磨道德

李令琛書史百家對云云

純粹入矩

踳駁

出規

文心雕龍諸子篇曰其純粹者入矩踳駁者出規

觚裂大道

疣贅聖

謨隋書經籍志曰雖其間觚裂大道疣贅聖謨幽怪恍惚瑣碎支離有所未免然而瑕瑜相形雅鄭相間譬

之萬派歸海四瀆可分繁星麗天五緯可識求約於博則有要存焉

西山典籍

東壁

圖書

李嶠神龍歷序曰臨西山典籍之府總東壁圖書之事九流百家之說盡入胷中六家三統之書咸

歸掌

墨潤冰文

香消蠹字

常衮集賢郎事寄徐薛二侍郎詩曰縹囊披錦

繡翠軸卷瓊琚墨潤冰文蘭香消蠹字魚

原五經為府藏

雜藝為庖廚

高彪集

增漢哀七略之名 唐分四部之目

俱玉海云云

京房惟善於七分

張霸心明於百兩

許南容書史百家對云云

書籍四

原古人糟粕

莊子外篇云齊桓公讀書堂上輪扁斲輪堂下釋椎鑿而問曰何書公曰聖人之言

曰君之所讀聖人之糟粕耳以臣之事觀之徐則甘而不固疾則苦而不入不徐不疾得之於手而應之於心臣不能喻臣之子臣之子亦不能受之於臣然則君之所讀古人之糟粕已矣

聖人糟粕何

荀粲傳云粲嘗以六籍雖存乃聖人之糟粕

老莊道德之淵藪拾遺記云

道德之淵藪仁義之壇場

古書學者之山淵杞朴子云古書雖多未必盡美要當以為

學者之山淵使屬筆者得采伐漁獵其中

韓任術以作柄墨率儉以篤俗

杜預七規云云

桓譚煩而無要傅子云桓譚書煩而無要辭雜而無指歸吾不知其博也

賈逵精而不博范蔚宗後漢書云馬融常欲訓左氏春秋及見賈逵鄭衆注乃曰賈君精

而不博鄭君博而不精既精既博吾何加焉以上北堂書鈔

閱洛陽市王充貧無書遊洛陽

市閭所賣書遂通百家詳好學

寫魯端門春秋孔演圖曰趣作法聖沒周姬亡彗東出秦政起

胡破術書記散孔不絕此魯端門血書十三年有星孛東方說題曰麟得之月天當有血書端門子夏至期往

觀逢一郎言門有血書往寫之血蜚

盤孟書

漢田蚡封武安

侯學盤孟書注云孔甲盤孟二

雜家書

儒墨名

五

車莊子曰惠施

三十車

張華字茂先雅愛書籍身死日無餘財惟文史溢几篋嘗

徙居載書三十車祕書監摯虞撰

增安用此鬼名

南史

傳曰柳津字元舉或勸之聚書津曰吾

室中若有積

卷水經注云積石河北有層山懸巖中多石室焉室中

內有自然經書

輿地志曰少室有上中下三定思自

水多白石英內有自然經書自然飲食

枝條五經

文心雕龍諸子篇曰

莫壽於竹帛

王回故蹟遺文序曰傳古者莫壽於竹帛而世以金石為之最壽者妄也

簡殆如新

見書籍二

壽遺經於胃臆

張起巖伏生祠堂碑曰暴秦焚滅經籍而

有伏生獨能壽遺經於胃臆

書籍五

增詩宋蘇舜欽檢書詩曰煩心思所持屏事入小閣
踞撲下塵梁哆哆張敗笈雨爛百數番蟲食三四帙
魚子或破碎蠶兒尚狎蛤悵心何長文跋尾清臣榻
幼辭反知進故句時自愜墜亡多愛翫存聚必券帖
回頭厭襃

積舉體覺疲繭束閣聊欠伸夢斷風一颯 明楊循吉

題書廚上詩曰吾家本市人南濠居百年自我始為士
家無一簡編辛勤一十載購求心力專小者雖未備大
者亦略全經史及子集無非前古傳一一經紙裝辛苦
手自穿當怒讀則喜當病讀則痊持此用為命縱橫堆
滿前

增序後魏楊銜之洛陽伽藍記序曰三墳五典之說九
流百代之言並理在人區而義在天外 唐楊炯登祕

書省閣詩序曰若夫麒麟鳳皇之署三臺四部之經周
王羣玉之山漢帝蓬萊之室司先王之載籍掌制書之
典謨 高士廉文思博要序曰大矣哉文籍之盛也範
圍天地幽贊神明用之邦國則百官以入用之鄉人則
萬姓以察非松喬而對振古瑾戶牖而覲幽遐故先王
以之建極聖人以之設教師範百代彌綸四海是以刊
之金石與天壤而不敝書之竹素與日月而俱懸者莫
尚於此

增銘唐陸龜蒙書銘曰太古之時何嘗有欺逮於結繩
民始相疑國載文字厥初弗知惟簡惟牘斷竹折木累
必充庭負必折軸韋絙一絕錯亂名目寔務輕省擣象
剥穀膠綴番番恣其所便蟲篆更隸形模易宣上下今
古卷舒蟬聯熏曝蠹鬱疵乎不堅又取珉石琢磨雕鐫
由簡牘下其存四遷璽印章號殷勤識焉其巧益甚其
訛益繁盟契要質朝成夕反誥誓制令尾違首言牋檄
奏報離方就圓錄注傳記醜讎美憐銘誅碑表虛功望

賢歌詠賦頌多思諂權在簡牘者埋沒爛壞無遺一編
詞以臬穀其留最延錯謬顛倒龍蒙弗刪在珉石者固
寵納賂惟辭是妍鑱鑿既畢名聲泯然堯舜之道以人
而傳宜去詐偽結繩之前

增對唐李令琛書史百家對曰自龍馬出河爰分八卦
靈龜薦洛乃見九疇文字以興典謨斯起即有姬公秀
出制禮樂以匡周尼父挺生刪詩書而反魯莫不憲章
文武祖述唐虞開兆庶之心靈啓羣生之耳目洎乎尼

山落構梁父興歌大義云亡諸子爰起於是墨承諸廟
孟繫司徒文子開教於五神范蠡逞能於千樹孫武絢
其韜略蒙叟混其鵬鯤葛洪述內外之篇劉安論黃白
之祕揚託思於全性鄒銑想於談天商君旣擅於刑書
尹文亦諒於名實呂韋博識載摘懸市之文鬼谷多才
爰踵飛籀之作自茲以往其流甚繁雖有異於微言亦
可觀於小道或激揚仁義或囊括政刑或富國成家或
懲惡勸善進旣資於助國退亦取於理身實翰墨之泉

源信文章之林藪故馬遷脩史列之九流班固叙書著之七略

裘一

原線裘有要方

華佗別傳曰佗以線為書裘裘中有祕要之方

綈裘有祕記

後漢書楊厚傳云厚祖父春卿善圖讖學為公孫述將漢兵平蜀春卿自殺戒子統曰吾綈裘中有先祖所傳祕記為漢家用爾其脩之統感父遺言服闋辭家從捷為周循學習先法又就同郡鄭伯山受河洛書及天文推步之術

縑裘

晉中興書曰傅元盛書有青縑裘布裘絹裘

絹裘

見上以上北堂書鈔

增散裘

唐詩品彙閭防百丈谿新理茅屋詩曰開卦推盈虛散帙攻節目

計帙

山堂

肆考曰後漢乾祐中禮部郎司徒調請開獻書之路凡
儒士衣冠舊族有以三館亡書來上者計其卷帙賜之

金帛數多
者授秩
部帙
唐文粹李嶠鳳閣王侍郎傳贊曰祖

帙
編帙
宋文鑑孫甫唐史諸斷序曰逮嘉祐元年成

成就且就其編
帙粗成一家
縹帙
唐詩品彙凌敬遊清都觀
錦

帙
玉海謝賜御書表曰
題表
宋文鑑李淑邯鄲圖書

七類几梘題表參準昔模
縹素枕藉點兼古語云云
楮表
元文類虞集書經筵

便覽命西域工人擣楮為表刻皮鏤金以
護之凡七枚專屬燕赤繕錄前後所進書
排青玉
詩明

選皇甫沔夜過張子不值詩曰書
帙亂排青玉案尚餘螢火照窗紗
護紅霞
又陸棻胸

戶留詩苔蘚封石
林散帙紅霞護

袁二

原詩梁昭明太子詠書帙詩曰擢影兔園池抽莖淇水
側幸雜緗囊用聊因班女織 唐王績采藥詩曰行披
葛仙經坐檢神農帙

原銘宋謝靈運書帙銘曰懷幽卷蹟戢妙抱密用舍以
造舒卷不失亮惟勤玩無或暇逸

誦讀一

增易曰君子多識前言往行以畜其德 說命曰學于
古訓乃有獲 學記曰宵雅肄三官其始也 儒行篇
曰夙夜強學以待問 韓愈進學解曰口不絕吟於六
藝之文 黃庭堅曰士大夫三日不讀書則義理不交
於胷中對鏡覺面目可憎向人亦語言無味

誦讀二

原墨子曰周公朝讀百篇夕見七十士

詳好學

莊子曰

臧與穀相與牧羊俱亡其羊問臧奚事挾策讀書問穀

奚事博塞以遊 增史記傳曰董仲舒廣川人也以治

春秋孝景時為博士下帷講誦不觀於園舍 原漢書

曰劉向專精經術晝誦書傳夜觀星宿 又曰班游以

選受詔進讀羣書 又曰匡衡鑿壁引鄰家火光孔中

讀書 詳好學 後漢書曰孫敬字文寶好學閉戶讀書不

堪其睡乃以綱懸之屋梁人曰閉戶先生 又曰荀悅

字仲豫家貧無書每間行見篇牘一覽多能誦記 東

觀漢記曰章帝詔黃香詣閣東觀讀所未見書謂諸生

曰此日下無雙江夏黃童也 又曰曹褒寢則懷鉛筆

行則誦詩書 又曰高鳳讀書晝夜不絕聲妻之田曝

麥以竿授鳳令護雞天暴雨而意不在不覺流麥 謝

承後漢書曰王充字仲任家貧無書至京師市讀書一

見輒誦憶 又曰應奉字世叔少聰明自為童及長凡

所經履莫不暗記讀書五行俱下終成名儒 又曰包

咸字子良為赤眉賊所得遂見拘執十餘日咸日夜誦

經自若賊聞異而遣之 魏略曰侍中董遇好學避難

採薪負販常挾經書投間習誦人從學者遇不肯教之

云先讀百編而義自見 吳志曰闕澤字德潤好學居

貧無資常從人傭書以供紙筆所寫既畢誦讀亦徧

晉書曰王歡字君厚專精讀書不營產業家無升斗妻

患或毀其書後為通儒 宋書曰車武子少勤學家貧

無燈夏月乃聚螢照讀冬曾聚雪仕至司徒 上黨記

曰太行山有菁巖有射熊於巖間見諸生讀書往覓不

知處傳以為仙人 增隋書傳曰許善心字務本幼聰

明所聞輒能誦記家有舊書萬餘卷皆徧通涉 唐書

傳曰褚無量字弘度幼受經於沈子正曹福刻意墳典
家濱臨平湖有龍出人皆走觀無量讀書若不聞衆異
之 又曰馬懷素貧無資晝樵夜輒焚以讀書遂博通
經史 又曰蔣乂性銳敏七歲時見庾信哀江南賦再
讀輒誦 又曰狄仁傑字懷英兒時門人有被害者吏
就詰衆爭辨對仁傑誦書不置吏讓之荅曰黃卷中方
與聖賢相對何暇與俗吏語耶 又曰陽城字亢宗好

學貧不能得書求為吏隸集賢院竊院書讀之晝夜不

出戶六年無所不通 又曰歐陽詢字信本江總教以

書記每讀輒數行俱盡遂博通經史 李華蕭穎士文

集序曰穎士七歲能誦數經背碑覆局 宋史傳曰張

知白嘗過陝州與通判孫何讀道旁碑凡數千言略無

所遺 又曰賈黃中字媯民幼聰悟方五歲其父玘每

正旦令正立展書卷比之謂之等身書課其誦讀 又

曰楊繪字元素少而奇警讀書五行俱下名聞西州

又曰張載字子厚屏居南山下終日危坐一室左右簡
編俯而讀仰而思 又曰邵雍字堯夫於書無所不讀
寒不爐暑不扇夜不就席者數年 又曰張方平字安
道家貧無書借人三史旬日即還之曰吾已得其詳矣
凡書皆一閱不再讀宋綬蔡齊以為天下奇才 又曰
黃庭堅字魯直幼警悟讀書數過輒成誦舅李常過其
家取架上書問之無不通常驚以為一日千里 又曰
劉恕字道源少穎悟讀書過目成誦年十三欲應制科

從人假漢書閱日即還之 又曰杜鎬字文周年踰五

十猶日治經史數十卷或寓直館中四鼓則起誦春秋

又曰江休復字鄰幾為桂陽監藍山尉騎驢之官據

鞍讀書至迷失道 又曰真德秀字希元四歲受書過

目成誦 又曰魏了翁字華父少長穎悟絕出日誦千

餘言過目不再覽鄉里稱為神童 又曰朱昂字舉之

同學朱遵度好讀書人號之為朱萬卷目昂為小萬卷

遼史傳曰耶律儼經籍一覽成誦 金史傳曰石瑤

字邦彥七歲讀書過目即成誦既長博通經史工辭章
又曰梁肅字正憲自幼勤學夏夜讀書往往達旦母
葛氏常滅燭止之又曰劉煥字德文少長就學天寒
擁糞火讀書不怠又曰雷淵字季默發憤入太學衣
敝履穿自以跣露恒兀坐讀書元史傳曰許衡字平
仲七歲入學授章句問其師曰讀書何為師曰取科第
耳曰如斯而已乎師大奇之又曰王恂字敬甫三歲
家人示以書帙輒識風丁二字母劉氏授以千字文再

過目即成誦 又曰張養浩字希孟年十歲讀書不輟
父母憂其過勤止之養浩晝則默誦夜則閉戶張燈竊
讀 又曰許謙字益文甫能言母陶氏口授孝經論語
入耳輒不忘稍長肆力於古取四部書分晝夜讀之雖
病不廢 又曰許有壬字可用幼穎悟讀書一目五行
嘗閱衡州淨居寺碑文近千言一覽輒背誦無遺 又
云虞集字伯生三歲即知讀書歲乙亥挈家嶺外母楊
氏口授論語孟子左氏傳歐蘇文聞輒成誦比還就外

傳始得刻本則已盡讀諸經通其大義矣 又曰吳澄
字幼清五歲日受千餘言夜讀書至旦母憂其過勤為
節膏火澄候母寢乃焚火更讀 明黃伯生誠意伯劉

公行狀曰公在燕京時間閱書肆有天文書一帙覽之
翊日即背誦如流其人乃大驚欲以書授公公曰已在
腹中矣 鄭楷翰林學士承旨宋公行狀曰公諱濂字
景濂六歲入小學授以李瀚蒙求一日而盡年十五六
里人張繼之聞其善記誦邀至別墅問四書經傳若干

日可通背以一月答繼之初不信抽架上雜書俾誦五百言乃以指爪逐行按之按畢輒背一字不遺 吾學編傳曰方孝孺字希直一字希古幼穎敏絕倫日讀書積寸為文雄邁醇深鄉人呼為小韓子 明文奇賞解縉解子尚傳曰幼時大父莊公山藏書萬卷竊讀殆徧尤深於易 明紀景清本姓耿洪武二十七年進士嘗假同舍生祕書約一夕還故爽約其人遽訟之國師清詭曰某私橐耳誦之不遺一字其人反無記大慙恨既

出清特還之曰以公祕惜甚聊相戲耳 明文衡楊士

奇解公墓碣曰公諱縉字大紳五歲大父教之書應口
成誦十歲日誦數千言終身不忘十三盡讀諸經貫穿
該綜老長不能難也 宋濂王冕傳曰冕字元章七八

歲時父命牧牛隴上竊入學舍聽諸生誦讀聽已輒默
記暮歸忘其牛或牽牛來青蹊田父怒撻之已而復如
初母曰兒癡如此曷不聽其所為冕去依僧寺以居夜
潛出坐佛膝上執策映長明燈讀書琅琅達旦安陽韓

性聞而異之錄為弟子遂為通儒 王直聶大年墓志

曰公比長讀書日記數千言通詩書二經於諸子史無

不讀 明詩紀事楊基字孟載嘉州人幼穎悟絕人九

歲能誦六經著書十餘萬言名曰鑿論 楊循吉字君

謙吳縣人居家好畜書聞有異本必購寫結廬支硎山

下課讀子史以松枝為籌不精熟不止多至千卷 桑

悅字民懌常熟人讀書一過輒焚棄之 吾學編傳曰

于謙字廷益少讀書手不釋卷過目輒成誦 又曰薛

瑄字德溫手錄性理大全晨夜翫讀潛思有得秉燭疾書或通宵不寐 又曰鄒智字汝愚合州人少貧居龍泉菴掃樹葉然之讀書達旦 又曰吳與弼字子傳年十九見伊洛淵源錄日夜翫讀遂去舉業謝人事足不下樓者二年 又曰魯鐸字振之歷司業祭酒日焚香讀五經四書不言人短長及時政得失 又曰李時勉名懋以字行安福人七歲小學四書皆成誦長益肆力問學冬寒以衾裹足納桶中刻苦盡讀諸經史 又曰

劉崧字子高泰和人居官十歲不以妻子自隨為北平按察副使攜一童往至則遣還每夜孤燈一榻讀書不輟

誦讀三

增警枕

懸屏

范祖禹司馬溫公布衾銘曰公一室蕭然圖書盈几案竟日靜坐泊如也又以

圓木為警枕少睡則枕轉而覺乃起讀書應宗祥字尚履少好學讀書達旦懸髮屏牀以自警

明詩紀事

七過

三復

王氏類苑御史臺記曰開元中常敬忠十五歲上書言能一過誦千言張燕公

問曰能十過誦萬言乎曰能以萬言試之七過已通韓愈書張中丞傳後有曰張巡讀書不過三復

焚薪

映月

唐書傳曰畢誠早夜焚薪讀書母恤其疲
奪火使寐不肯息遂博通經史 宋史傳

曰陸佃字農師居貧
夜無燈映月讀書

削柳簡

埽樹葉

元史傳曰秦
起宗字文卿

生長兵間學書無從得紙父順削柳為
簡書以授之成誦即更削去 下見上

曼倩上書

岐叔署戶

漢書傳曰東方朔字曼倩上書曰十二學書
三冬文史足用十五學擊劍十六學詩書誦

二十二萬言十九學孫吳兵法亦誦二十二萬言凡臣
朔固已誦四十四萬言 隋書傳曰崔儵字岐叔少與

范陽盧思道隴西辛德源同志友善每以詩書為務
負恃才地大署其戶曰不讀五千卷書無得入此室

原千徧乃得

五行具下

華陽國志云徐誦少讀書日
不過五十字讀千徧乃得

下詳
前二

增初如蛇入筍

漸類雞脫殼

宋濂贈劉俊民
先輩詩曰持節

去讀書攻苦分
句逗初如云云

誦讀四

原東哲隱几讀書

東哲讀書賦云垂帷帳以隱几披紈素而讀書

元帝後宮

讀書

王褒集序云褒字子淵蜀郡人有俊才元帝為太子喜褒所為甘泉及洞簫頌令後宮貴人左右皆

誦讀之

鄭玄奴婢讀書

世說云鄭玄家奴婢皆讀書嘗使一婢不稱旨將撻之方自陳

說玄怒使人曳著泥中須臾復有一婢來問曰胡為乎泥中答曰薄言往愬逢彼之怒

杏壇弟

子讀書

莊子云孔子遊乎緇帷之林休坐乎杏壇之上弟子讀書孔子弦歌鼓琴

難柴讀

書

謝承後漢書云侯瑾字子瑜傭作為資落難柴讀書獨處一室如對尊賓

牧羊讀書

魏志

楊俊傳云俊避地并州本郡王象少孤特為人僕隸年十七八見使牧羊而私讀書因被箠楚俊嘉其才質即贖象著家聘娶立屋然後與別

止輒讀之

魏略云隗禧字子牙擔負經書每以采摭餘日則讀

誦之
不解其義
俗說云傳迪為左丞讀書而不解其義
一見便誦
華陽國志

云趙閑讀書一見便誦
一見輒誦
孔融薦禰衡疏云處士平原禰衡年

二十四歲淑質貞亮英才卓犖幼涉藝文升堂觀典目所一見輒誦於口耳所暫聞不忘於心性與道合思若

有神
一冬誦論語
邴原別傳云原十一而喪父家貧早孤鄰有書舍原過其旁而泣師問曰

童子何悲原曰孤者易傷貧者易感夫書者必皆具有父兄者一則美其不孤二則美其得學心中惻然而為涕零也師哀之為之泣曰欲書可耳答曰無錢資師曰童子苟有志我徒相教不求資也於是遂就書一冬之

間誦孝
經論語

百日習一經

晉書云魏舒年四十餘郡上計掾察孝廉宗黨以舒無學業勸

令不就可以為高耳舒曰若試而不中其負在我安可
虛竊不就之高以為己榮乎於是自課百日習一經因

而對策
升第

婦女讀誦

桓子新論云劉子政子駿伯玉三
人尤珍重左氏教子孫下至婦女

無不
讀誦

侍婢誦賦

蜀志云劉琰為車騎將軍然不豫國
政但領兵千餘隨丞相諸葛亮諷議

而已車服飲食號為侈靡侍婢數十皆
能為聲學又悉教誦讀魯靈光殿賦

李則讀左氏

舉一反三

蔡邕別傳云邕與李則遊學時在弱冠
始共讀左氏傳性通敏兼人舉一反三

王

恭讀左氏輟卷而歎

劉謙晉紀云王恭每讀左氏傳
至於奉王命討不庭輟卷而歎

布衣徒行講誦孜孜

東觀漢記劉弘字叔紀年
十五治歐陽尚書云云

素作

牛衣手繩口誦

王隱晉書劉寶云云

未葬讀喪禮復常讀樂章

曲禮云居喪未葬讀喪禮既葬讀祭禮喪復常讀樂章以上北堂書鈔

增騎牛讀書

明詩

紀事王冕字元章或騎黃牛持漢書以讀人咸以為狂生

蒙草衣讀書

元史傳曰蕭軒字維

斗讀書南山下三十年製一草衣由身半以下及臥輒倚其榻翫誦不少置於是博極羣書侯均謂元有天下

百年惟蕭維斗為識字人

必至千徧

元史傳曰韓擇積學四十年多讀書必熟誦乃已嘗言人

讀書不至千徧終於無益

春誦冬讀

文王世子曰春誦夏弦大師詔之瞽宗秋學禮執禮者詔

之冬讀書典書者詔之

晝誦夜讀

見上朝耕夜讀韓愈董生行曰朝出耕夜

歸讀古人書盡不得息

晝樵暮讀

元史傳曰郝經家貧晝則負薪暮則讀書

一氣

五千字

仙人彭宗能一氣誦五千字

一日二十卷

顏氏家訓曰梁元帝嘗為吾說

昔在會稽年始十一便已好學時又患疥手不得拳膝不得屈閉齋張幃避蠅獨坐自讀史書一日二十卷

然松讀書

南史傳曰顧歡字景怡一字元平鄉人有學舍歡貧無以受業於舍僻倚聽無遺忘

者夕則焚松節讀書或焚糠自照

織簾讀書

又曰沈麟士字雲禎居貧織簾讀書手口不息

學者稱為織簾先生

以鐘為限

南史傳曰丘仲孚字公信少好學讀書常以中宵鐘鳴為限叔

靈鞠常稱為千里駒也

以瓜鎮心

又曰鄭灼字茂昭性精勤尤明三禮家貧鈔義疏以日繼

夜筆毫盡每削用之嘗蔬食講授多苦心熱若瓜時輒偃臥以瓜鎮心起便讀書

經目輒誦

唐書傳曰褚亮少警敏博覽國史一經目輒誦於心

誦說略徧

又曰韋述家有書二千卷誦說

略 樓居讀書 吾學編傳曰黃孔昭初名曜以字行浙江太平人樓居讀書刻苦特甚至忘寢

食 韜燈讀書 又曰陳茂烈字時用莆田人髫年喪父繼戎役晝入公署夜歸讀書祖母憐其

孱弱亟止之乃 焚香讀書 又曰耿九疇字禹範虛氏人平生無他嗜好公事退

焚香讀書 而巳 不終歲誦五經 宋史傳曰戚同文字同文始聞邑人楊慤教授生徒日過

其學舍授禮記隨即成誦日諷一卷慤異 才一月誦而留之不終歲畢五經慤即妻以女弟

二經 元史傳曰黃潛字晉卿成章授以詩書一月即成誦 讀書破萬卷 杜甫贈韋左丞

詩曰讀書破萬卷下筆如有神 誦書歛萬言 劉基旅興詩曰誦書歛萬言落筆飛煙雲

誦讀五

原詩晉陶潛讀山海經詩曰既耕亦已種時還讀我書
汎覽周王傳流觀山海圖俛仰終宇宙不樂復何如

宋謝惠連讀書詩曰賁園奚足慕下帷故宜遵山成由
一簣崇積始微塵虞軒雖眇莽顏隰亦何人 增宋謝

靈運齋中讀書詩曰昔余遊京華未嘗廢丘壑矧乃歸
山川心跡雙寂寞虛館絕諍訟空庭來鳥雀臥疾豐暇
豫翰墨時間作懷抱觀古今寢食展戲謔 唐柳宗元

讀書詩曰幽沈謝世事俛默窺唐虞上下觀古今起伏

千萬途遇欣或自笑感戚亦以吁
絳帙各舒散前後互

相逾 李嘉祐送王正宗山寺讀書詩曰欲究先儒術

還過支遁居山階閒聽法竹徑獨看書向日荷新卷迎

秋柳半疎風流有佳句不似帶經鉏 錢起和劉七讀

書詩曰夜雨深館靜苦心黃卷前雲陰留墨沼螢影傍

華編夢鳥富青藻通經仍妙年何愁丹穴鳳不飲玉池

泉 唐韓愈題宇文裔山寺讀書院詩曰讀書林下寺

不出動經年草閣連僧舍山廚共石泉雪庭無履跡龕

壁有燈煙年少頭今白刪詩到幾篇 宋歐陽修讀書

詩曰吾生本寒儒老尚把詩卷眼力雖已疲心志殊未
倦正經首唐虞偽說起秦漢篇章已句讀解詁及箋傳
是非自相攻去取在勇斷 傅堯俞讀書詩曰吾屋雖
喧卑頗不甚蕪穢置席屋中間坐卧羣書內橫風吹急
雨入屋灑我背展卷殊未知心與古人會 蘇軾遷居
之夕聞鄰舍兒誦書欣然而作詩曰幽居亂蛙黽生理
半人禽楚然已足喜况聞弦誦音兒聲自圓美誰家兩

青衿且欣習齊咻未敢笑越吟 明皇甫汈張仲讀書

吳山詩曰風叩支關開月鑒董帷薄披帙就長明靜夜
靈花落羊亡屏意筌猿定啓心簫幽谷聞鳥鳴澄湖眺
魚樂

原賦晉束皙讀書賦曰耽道先生澹泊閒居澡練精神
呼吸清虛抗志雲表戢形陋廬垂帷帳以隱几被紈素
而讀書抑揚嘈囀或疾或徐優游蘊藉亦卷亦舒頌卷
耳則忠臣喜詠蓼莪則孝子悲稱碩鼠則貪民去唱白

駒而賢士歸是故重華詠詩以終已仲尼讀易以終身
原憲潛吟而忘賤顏回精勤以輕貧倪寬口誦而芸耨
買臣行吟而負薪賢聖其猶孳孳況中才與小人

原贊周庾信高鳳讀書不知流麥贊曰高鳳好學專心
不迴留連經笥對翫書臺石門雲度銅梁雨來麥流雖
遠書卷猶開

原銘後漢李尤讀書枕銘曰聽政理事怠則覽書傾倚
偃息隨體興居寤心起意猶愈宴娛

原書後漢馮衍說鄧禹書曰衍聞昔者先王學大道以
觀於政夫為君而不明於道上無以承天下無以化民
為臣而不明於道進無以尊君退無以脩身聖朝天然
之質將軍純茂之德誠少游神乎經書之林馳情乎元
妙之中明照於日月而智溢乎四海聖朝享堯舜之榮
將軍荷稷契之烈自然理也 後漢孔融與宗弟書曰
知晚節豫學既美大弟因而能寤又合先君加我之義
豈惟仁弟實專承之凡我宗族猶或賴焉 宋王僧虔

誠子書曰或有身經三公蔑爾無聞布衣寒素輕相屈
體或父子貴賤殊兄弟聲名異何也以讀數百卷書耳
吾今悔無所及欲以前車誠爾後乘也汝年入立境方
應從官兼有室累何處復得下帷如王郎時耶

寫書一

增竹書紀年曰帝堯陶唐氏七十年二月辛丑榮光出
河休氣四塞乃有龍馬銜甲赤文綠色緣壇而上吐甲
圖而去其圖以白玉為檢赤土為泥約以青繩檢文白

閨色帝乃寫其言藏於東序 又曰周成王十八年周

公旦乃與成王觀於河洛元龜青龍蒼光止於壇背甲

刻書赤文成字周公援筆以世文寫之書成文消龜隨

甲而去 孝經援神契曰後年麟至口吐圖文北落朗

服書魯端門隱形不見子夏往觀寫得十七字餘字滅

文消 拾遺記曰張儀蘇秦二人同志遞翦髮以相活

或傭力寫書行遇聖人之文無題記則以墨書於掌內

及股裏夜還更折竹寫之 漢書藝文志曰迄孝武世

書缺簡脫於是建藏書之策置寫書之官 拾遺記曰

任末年十四時學無常師負笈不遠嶮阻削荆為筆剋
樹汁為墨觀書有合意者題其衣裳河洛祕奧非正典
所載皆注記於柱壁及園林樹木慕好學者來輒寫之
桓譚新論曰余同時佐郎官有梁子初楊子林好學
所寫萬卷至於白首 論衡曰郊天鼓必麒麟之皮寫
孝經亦必曾氏之策乎 三國典略曰郎基字世業泛
涉墳籍清慎無所營求惟頗令人寫書 抱朴子自序

曰葛洪字稚川累遭火典籍蕩盡伐薪賣之夜以寫書
家貧乏紙所寫皆反覆有字人少能讀者 南史傳曰
衡陽王蕭鈞字宣禮高帝第十一子嘗手寫五經部為
一卷置巾箱中以備遺忘侍讀賀玠問曰殿下家自有
墳索何須蠅頭細書荅曰巾箱中有五經檢閱旣便且
更手寫永不忘諸王聞而爭效之巾箱五經自此始

又曰王僧孺家貧傭書養母寫畢諷誦亦了 顏氏家

訓曰臧逢世年二十餘欲讀班固漢書苦假借不久乃

就姊夫劉綏乞旬客刺書翰紙末手寫一本軍府高其

志卒以漢書聞

金樓子曰有細書周易尚書周官儀

禮禮記春秋各一部又寫前漢史記三國志晉春秋莊

子老子肘後方離騷等合六百三十四卷悉在一巾箱

中書極精細

後周書曰裴漢借人異書必自錄疾彌

年亦未嘗釋卷

唐書藝文志曰貞觀中魏徵虞世南

顏師古請購天下書選五品以上子孫工書者繕寫

又曰玄宗又借民間異本傳錄太府月給蜀郡麻紙五

千番季給上谷墨三百三十六丸河間景城清河博平

四郡兔千五百皮為筆材 又傳曰張文琮好自寫書

筆不釋手子弟諫止曰吾好此不為倦 又曰李襲譽

字茂實厚於宗親廩祿隨多少散之以餘資寫書罷揚

州書遂數車載 又曰汪紹宗少貧俠好學工草隸客

居僧舍寫書以自給 又曰韋述好譜學見柳沖所撰

姓族系錄每私寫懷之還舍則又繕錄故於百氏源流

為詳 又曰柳仲郢嘗手鈔六經司馬遷班固范蔚宗

史皆一鈔魏晉及南北朝史再鈔又類所鈔書凡三十

篇號柳氏自備皆小楷 五代史曰楊邠知史傳有用

乃課吏傳寫 劉禹錫國學新脩五經壁記曰初大厯

中名儒張參為國子司業始詳定五經書於講堂東西

廂之壁祭酒皐博士公肅申命國子生能書法者分章

揆日懸其業而繕寫焉 宋史藝文志曰真宗時命三

館寫四部書一本 柳開補亡先生傳曰先生乃手書

九經悉以細字寫之其卷大者不過滿幅之紙古謂巾

箱者不過矣 宋史傳曰勾中正精於字學嘗以大小篆八分三體書孝經摹石咸平三年表上之上問所書幾何時對曰十五年上嘉歎良久賜金紫 又曰毋守素性好藏書在成都令門人勾中正孫逢書文選初學記白氏六帖鏤版守素齋至中朝行於世 又曰高頔力學強記手寫書千餘卷 又曰李建中嘗手寫郭忠恕汗簡集以獻皆科斗文字有詔嘉獎 又曰姚鉉藏書至多頗有異本兩浙課吏寫書亦薛映所撫之一事

雖被竄斥猶傭夫擔荷以自隨 又曰劉鳳儀俸入半

以儲書凡萬餘卷國史錄無遺者 又曰劉恕求書不

遠數百里身就之讀且鈔殆忘寢食 又曰宋濤解褐

青城主簿好寫書秩滿載數千卷以歸 宋祁張忠定

公行狀曰詠也家貧無以本業往往手疏墳史每有屬

綴輒據庭樹橐枝而瞑不終篇未嘗就舍 馬端臨曰

先公云張新吏言洛陽有資治通鑑草橐兩屋黃魯直

閱數百卷訖無一字草書 朱熹曰今人讀書苟簡者

緣書皆有印本多耳東坡作李氏山房藏書記彼時書

猶自難得鼃以道嘗欲得公穀傳徧求之後得其本乃

寫焉 金史章宗紀曰明昌五年三月置弘文院書寫

經籍 尹夢龍母喪負土為墳結廬居其側手書孝經

千餘卷散鄉人讀 又曰暢師文幼警悟家貧無書手

錄口誦過目輒不忘 又曰許衡稍長嗜書如渴遭世

亂且貧嘗從日者家見書疏義請寓宿手鈔以歸 又

曰姚樞棄官攜家來輝州讀書鳴琴若將終身時許衡

在魏至輝就錄程朱所注書以歸

寫書二

原截蒲

編柳

漢書云路溫舒字長君父使牧羊溫舒取澤中蒲截以為牒編用寫書 楚國

先賢傳云孫敬嘗編柳以寫經本晨夜誦習

增書掌

題裳

上詳寫書一下詳經總

三

西邸

北堂

南史傳曰竟陵王子良字雲英武帝之第二子也移居雞籠山西邸集學

士鈔五經百家依皇覽例為四部約略千卷 龜氏曰

虞世南初仕隋為祕書郎鈔經史百家之言以備用凡一百七十三卷北堂者省

滿箱

盈篋

蕭子顯齊書曰隱士沈麟

士火燒書數千卷麟士年過八十耳目猶聰明乃手寫細書復成二三千卷滿數十箱 宋史傳曰楊克讓少

好學手寫經
籍盛於篋笥

露鈔
雪纂

俱見
上一

寫書三

原焚薪寫書

晉書云范汪少孤貧六歲過江依外家新野庾氏及長好學外氏家貧無以資給汪

乃廬於園中布衣蔬食焚薪寫書寫畢誦讀亦徧遂博學明通善談名理

為官傭書

東觀漢記

云班超孝謹家貧常為傭書以供養久勞苦常輟業投筆歎曰大丈夫無他志略猶當效傅介子張騫立功異域以取封侯安能久事筆研間乎

賃書以養

謝承後漢書云陳常字君淵晝則躬耕夜則賃

書以養母

公孫寫書自給

又云公孫春光傳曰春光到太學受尚書寫書自給

李

邵賃書自給

李邵別傳云邵游學京師常賃書自給以上北堂書鈔

增寫唐韻

傳奇錄曰吳彩鸞隨文簫歸
鍾陵日寫唐韻一部以給用

寫楚辭李賀詩曰研取

所得萬餘

後魏書曰穆子容少好學無所不覽
於天下書逢即寫錄所得萬餘卷

寫

書自課

梁書傳曰袁峻字孝高早孤薦志好學家貧無
書從人假借必皆鈔寫自課日五十紙數不登

則不止

手寫九經

類書云張參年老常手寫
九經以為讀書不如寫書

手寫三

史

元好問故物著曰貞祐丙子兵後予奉先人南渡河
先人手寫春秋三史莊子文選等及他雜書畫百軸

載二鹿
車自隨

手寫通鑑

宋史傳曰洪邁兄弟皆以文章取
盛名孝宗謂其文備衆體手寫資

治通鑑
有三

手寫漢書

明文奇賞解縉曰周以立父
厚素奇愛之手寫漢書以授

書

多親寫

宋史傳曰錢著明好
學喜聚書書多親寫

多自繕寫

又曰吳淑父
文正仕吳至

太子中允好學多自繕寫

越州數百卷

唐書傳曰李大亮在越州寫書數百卷及去留都督

署

細鈔高士傳

楊基棹樹舟中詩曰
几上細鈔高士傳

即家書孝經

元史傳曰趙孟頫字子昂至治元年英宗遣使其家俾書孝經

聚書自寫

宋史傳曰孫光憲博

通經史尤勤學聚書數千卷或自鈔寫孜孜營校老而不廢

得書必鈔

鄧文原鄭榮祖墓表

曰時南北兵阻售書視珍貝君得書必手鈔營校無毫忽舛異迺已

寫書四

原詩齊王融鈔衆書應司徒教詩曰說禮固多才敦詩

信為善巖笥發仙華金滕開碧篆 增明楊循吉鈔書

詩曰手錄畏辛勤數紙還投棄
賢人供所好恒輟衣食
費往來繞案行點畫勞指示成編亦艱難
把翫自珍貴
朱夢炎寫韻軒詩曰掌籍江河誤泄機
幾年謫降學
書癡晴窗滴露花
搖席午夜揮毫月滿帷
綰得春風留
鳳帶畫殘秋水照蛾眉
從今了却人間事
一曲鸞簫跨
虎吹

藏書一

增玉海曰周有藏史典簡冊魯有御書在象魏
又集

賢記注曰前漢有金馬石渠後漢有蘭臺東觀 文獻

通考曰魏祕書郎鄭默始制中經祕書監荀勗又因中
經更著新簿合為四部一曰甲部二曰乙部三曰丙部
四曰丁部合二萬九千九百四十五卷盛以縹囊書用
紺素 又宋元嘉八年祕書監謝靈運造四部書目凡
六萬四千五百八十二卷元徽元年祕書丞王儉又造
目錄凡萬五千七百四卷儉又別撰七志 又齊永明
中祕書丞王亮謝朓又造四部書目凡一萬八千一十

卷 又梁初祕書監任昉部集凡二萬三千一百六卷
普通中處士阮孝緒采宋齊已來王公之家凡有書記
參校官簿更為七錄 又隋平陳經籍漸備初西京嘉

則殿有書三十七萬卷帝命祕書監柳顧言等詮次除
其複重猥雜得正御本三萬七千餘卷納於東都脩文
殿又寫五十副本上品紅琉璃軸中品紺琉璃軸下品
漆軸於東都觀文殿東西廂構屋以貯之東屋藏甲乙
西屋藏丙丁 唐書藝文志曰唐分書為四類曰經史

子集而藏書之盛莫盛於開元其著錄者五萬三千九百一十五卷其本有正有副軸帶帙籤皆異色以別之宋史藝文志曰宋初有書萬餘卷其後削平諸國收其圖籍稍復增益太宗建崇文院及祕閣親臨幸觀書賜從臣宴又命近臣縱觀羣書真宗置龍圖閣太清樓玉宸殿四門殿各有書萬餘卷仁宗旣新作崇文院命翰林學士張觀等編四庫書倣開元四部錄為崇文總目凡三萬六百六十九卷徽宗更為祕書總目計汴都

所有為卷七萬三千八百七十有七焉 明紀丙午太祖命有司訪求古今書籍藏之祕府以資覽閱謂侍臣詹同等曰三皇五帝之書不盡傳於世故後世鮮知其行事漢武帝購求遺書而六經始出唐虞三代之治可得而見武帝雄才大略後世罕及至表章六經又有功於後世

藏書二

增莊子曰孔子西藏書於周室子路謀曰由聞周之徵

藏史有老聃者免而歸居夫子欲藏書則試往因焉孔
子曰善 梁元帝平侯景收文德之書及公私經典歸
於江陵凡七萬餘卷 玉海集賢記注曰宋有總明陳
有德教 南史曰張纘字伯緒兄緬有書萬餘卷晝夜
披讀殆不釋手 又曰沈約字休文好墳籍聚書至二
萬卷都下無比 又曰任昉字彥升家雖貧聚書至萬
餘卷率多異本後武帝使學士賀縱及沈約勘其書目
官無者就其家取之 又曰王僧孺字僧孺好墳籍聚

書至萬餘卷率多異本與沈約任昉家埒 隋書傳曰

許善心字務本家有舊書萬卷皆徧通泐 唐書曰蔣

乂家藏書至萬五千卷 又曰韋述蓄書二萬卷皆手

校定黃墨精謹內祕書不如也 又曰李嶠字景望家

有書至萬卷號李書樓 又曰韋處厚字德載家書讐

正至萬卷 又曰蘇弁聚書至二萬卷手自讐定當時

稱與祕府侔 又曰田弘正字安道起樓聚書萬餘卷

韓愈詩曰鄴侯家多書插架三萬軸

詳下事對注

鴻書

吳兢西齋一萬三千四百餘卷 五代史傳曰羅紹威
好學工書頗知屬文聚書數萬卷開館以延四方之士
又曰楊彥詢少事青州王師範師範好學聚書萬卷
使彥詢掌之 又曰高宗搜訪遺聞屢優獻書之賞館
閣編錄日益以富當時類次書目得四萬四千四百八
十六卷至寧宗時續書目又得一萬四千九百四十三
卷視崇文總目有加矣 司馬光獨樂園記曰其中為
堂聚書五千卷命之曰讀書堂 歐陽修六一居士傳

曰吾家藏書一萬卷集錄三代以來金石遺文一千卷

韓維曾子固神道碑曰公平生無所嗜惟藏書至二

萬卷皆手讐定 宋史傳曰沈立初在蜀悉以公粟售

書積卷數萬神宗問所藏立上其目 又曰孫抃六世

祖長孺喜藏書號書樓孫氏 又曰宋敏求家藏書三

萬卷皆成誦熟習 又曰鄭樵字漁仲聚書數千卷皆

自校讐謂子孫曰吾為汝曹獲良產矣 葉氏過庭錄

曰公卿名藏書家如宋宣憲李邯鄲四方士民如亳州

祁氏饒州吳氏荊州田氏等多至四萬許卷惟宋宣憲
家擇之甚精 王氏揮麈錄曰士大夫家如南都戚氏
厯陽沈氏廬山李氏鄱陽吳氏俱有藏書之名 又曰
南渡後惟葉少蘊收書逾十萬卷置之雪川弁山山居
建樓以貯之 鴻書曰宋末惟直齋陳氏書最多至五
萬一千八百餘卷且倣讀書志作解題極為精核 遼
史曰義宗名倍市書至萬卷藏於醫巫閭絕頂之望海
臺 元史傳曰周恕家無儋石之儲而聚書數萬卷扁

所居曰槩菴 又曰申屠致遠聚書萬卷名曰墨莊

皇甫汈皇史宬詩序曰皇史宬者歲乙未上命考金匱石室之制以藏書重祖訓也 鴻書曰聞浦陽鄭氏家

有藏書樓若干楹其額是建文君所題肇窠大書御書樓三字所藏至八萬餘卷 宋濂禮部侍郎曾公神道碑曰公諱魯字得之所藏子史動數百家各攬其精而掇其華聞有僻書隱牒不憚道里之遠必購得之 貝

瓊鐵崖先生傳曰先生楊姓名維禎少穎悟好學日記

數千言父宏為築萬卷樓使讀書其上 梁寅梁氏書

莊記曰是諸書者或刻之以傳或繕寫以藏暨凡所得書皆聚之一室故號書莊焉 明詩紀事曰倪瓚字元

鎮無錫人所居有閣名清閼閣藏書數千卷手自勘定

又何良俊字元朗華亭人官南翰林孔目每喟然歎

曰吾有清森閣在東海上藏書四萬卷棄此不居而僕

僕牛馬不亦愚而可笑乎 吾學編傳曰吳廷舉字獻

臣嘉魚人累官工部尚書居湫隘無郭外田顧有書至

萬卷 明詩紀事曰曹學佺字能始嘗謂二氏有藏吾
儒無藏欲脩儒藏與之鼎立將擷四庫之書十有餘年
而未能卒業也 又海內藏書之富近代推江都葛氏
章丘李氏 又南園俞氏笠澤虞氏廬山陳氏書籍金
石之富甲於海內吳岫方山非通人也聚書至萬卷錢
穀叔寶畫史也與其子允治手鈔書至數千卷

藏書三

增墨莊 書穴

上詳書籍
下詳求書一

二酉

三洞

上見書籍
二酉陽祕

書注 明詩紀事王履曰聞王刁三洞在山外西崖上
中藏古書甚多然無由至又詩曰幽經祕錄弱水外何

以得到此山中倘逢叔夜
能相許會傍長休學御風

良田

益友

上見一杜
本懷友軒記

云詹君景仁世家武彝有田數十區有書數百卷因題
其軒曰懷友重惟聖人載道之經與夫百家子史所錄
至於崖鵲野刻塔寺宮廟彝鼎柱石井臼墟墓詭異
之辭悉次於此庶開卷有得亦可謂益者之友效矣

牙籤錦帕

綈裘縹囊

西京雜記曰祕閣圖書皆表以
牙籤覆以錦帕又李泌積書經

用紅牙籤史用綠牙籤子用青牙籤集用
白牙籤 玉海云丹函翠縹綈裘縹囊

劉略班藝

王志阮錄

任昉詩曰劉略班藝虞志荀錄 李淑圖
書十志序曰儒籍肇劉略荀簿王志阮錄

汜元母
迺備

藏發廣內

祕訪名山

林希謝祕閣
校勘云云

深為

子孫之藏 密有緘滕之固

王維京兆尹張公德政碑頌曰其丞祕書也遺文闕

簡多在大家深為子孫之藏密有緘滕之固公不憚權貴或抵或誘盡歸天闕官書備焉

閱上帝

之冊府目眩星辰 登道家之蓬萊足踐雲氣

夏竦謝集賢院

表云

藏書四

原藏策之府

穆天子傳云天子北征東還乃循黑水至於羣玉之山阿平無險四徹中繩先王之

所謂策府注曰中繩言皆平直策府言往古帝王以為藏書冊之府所謂藏之於名山者也

博士

之藏

劉歆七略云武帝廣開獻書之路百年之間書積如山故外有太常太史博士之藏內有延閣廣

內祕室之府

辟藏尚書

漢書云秦燔書禁學濟南伏生獨

能言尚書

辟藏家書

孔安國尚書序云秦始皇滅七代典籍焚書坑儒學士逃難解散我先人

用藏其家書於屋辟漢室龍興開設學校旁求儒雅以闡大猷

積聚篇卷

蜀志云向朗字巨達

少時雖涉獵文學然不治素檢以吏能見稱自去長史優游無事垂三十年乃更潛心典籍孜孜不倦年逾八十猶手自校書刊定謬誤積聚篇卷於時最多

積石為倉

拾遺記云曹曾慮先文湮沒乃積石

為倉以藏書故號曹氏書倉

太史祕府道家所貴

張衡云太史祕府道家所貴衡

再得之竊為幸也

老氏藏室道家蓬萊

華嶠後漢書云學者稱東觀為老氏藏室

道家蓬萊山謹案史記老子周守藏室之史也索隱曰藏室史乃周藏書室之史也又張湯傳老子為柱下史

即藏室之柱下
因以為官名

連山藏於蘭臺歸藏藏於大卜

桓子
新論

伯喈有書近萬卷

博物志曰蔡邕有書近萬卷漢末
年載數車與王粲粲亡相國掾魏

諷謀反粲子預焉既被誅邕所與粲書悉入粲族案魏
志粲徙長安左中郎將蔡邕見而奇之時邕賓客盈坐
聞粲在門倒屣迎之粲至年既幼弱容狀短小一坐盡
驚邕曰此王公孫也有異才吾不如也吾家書籍文章
盡當與之

林宗有書五千卷

郭泰別傳云泰字林
宗家有書五千卷

王修

有書數百卷

魏志王修傳云太祖破鄴籍沒審配等家
財物以萬數及破南皮閱修家穀不滿十

斛有書數百卷太祖
歎曰士不妄有名

張華有書三十乘

見上書籍四
又見下載書

負書

增舒被覆書

南史傳曰虞繅少好學居貧屋漏
恐濕書籍乃舒被覆書書獲全而

被大濕時人
以比高鳳

藏史南山

唐書傳曰安祿山亂韋述獨抱國史藏南山賊平盡送入

官有詔贈
散騎常侍

留書白石

宋史傳曰李公擇少讀書廬山白石僧舍既擢第留所鈔書九

千卷名舍曰
白石山房

侔於麟閣

柳宗元東明張先生墓志曰先生居東明觀聚經籍圖史

侔於麟閣

侔於石渠

元文類祭表學士文曰家藏多書侔昔石渠

不減祕府

唐書傳曰王樵家聚書多
不減祕府圖書皆異本

藏書廟學

元史傳曰哲伯幼嗜書習翰墨

至元十四年監東平多善政嘗出家書
二千餘卷置東平廟學使學徒肄習之

得俸購書

宋史

傳曰朱昂前後所得俸賜以
三之一購奇書以誦誦為樂

得錢買書

又曰郭永博通古今得錢

即買書家
藏書萬卷

築室藏書

元富珠哩許字劉侯民愛銘曰侯名天孚葺廟學築室藏書

割田置書

元史傳曰段直為澤州長官大修孔子廟割田千畝置書萬卷

張尹書

巢

吳激題張尹書巢詩曰食息不離書令尹非蠹魚騰身出巢外編簡不如吾

滋溪藏書

宋本滋溪書堂記曰蘇伯修家多藏書習知遼與金故實且謂予昔吾高王父玉城當國初自汴還真定置別墅縣之新市作屋三楹買書數千卷歲久堂壞先人葺之且漸市書益之又嘗因公事至江之南獲書萬卷以歸

藍溪藏書

鄉緝藍溪書屋記曰新淦章俊民居於藍溪之上讀書為學入貢於太學乃藏

書於家而命之曰藍溪書屋

厯山藏書

元史傳曰和尚子遷勢退居濮上築先聖宴居祠堂

於厯山之下聚書萬卷

蜀山藏書

高啓蜀山書舍記曰蜀山書舍者友人徐君肄學之所也

幼文嘗自吳興以書抵予曰吾山在城東若干里吾屋在山若干楹吾書在屋若干卷山雖小而甚美屋雖樸

而麓完書雖不多而足以備閱凡事物之理與夫羣聖賢修己治人之要實皆不出乎書

家藏必

三本

唐書傳曰柳仲郢家有書萬卷所藏必三本上者貯庫其副常所閱下者幼學焉

舊書

有萬卷

杜牧上知已文書曰上都有第惟書萬卷

城南萬餘卷

宋史傳曰郭延緝致

仕居濠州城南有小閣以自娛其詠牡丹詩千餘首聚圖書萬餘卷手自刊校

別墅萬餘卷

又曰胡仲堯構學舍於華林山別墅聚書數萬卷設廚廩以延四方游學之士

祿賜購書曰

趙安仁嗜讀書所得祿賜多以購書三館舊闕虞世南北堂書鈔唯安仁家有本真宗命內侍取之嘉其好古

手詔

餘俸買書

虞集張琰墓志曰琰篤於教子餘俸輒買書遺之

獨取數

褒美

部宋子貞耶律楚材神道碑曰靈武下諸將爭掠子女玉帛公獨取書數部

惟遺數匱

李謙

中書左丞張公神道碑曰公諱文謙身後家無餘貲
曰吾家素尚清白有書數匱傳之子孫萬金不博也

奎章閣藏書

虞集奎章閣銘序曰天厯二年三月吉日
天子作奎章閣萬幾之暇觀書怡神則

恒御焉臣等奉敕刻銘曰維皇穆清中正無為翼翼其
欽聖性日熙迺建延閣左圖右史匪資燕娛稽古之理

經緯有文如日行天
爰刻貞玉垂美萬年

大本堂藏書

詹同大本堂詩曰
玉署儲書紫禁東

宛然麟鳳穆清風雲開奎壁
天光合日射蓬萊御氣通

張氏三萬七千餘卷

史元

傳曰張思明穎悟絕人讀書日
記千言收書三萬七千餘卷

周氏四萬二千餘卷

鴻書曰周公謹家三世積書凡有四萬二千
餘卷及三代以來金石刻一千五百餘種

鐵崖積

書數萬卷

明鐵笛道人自傳曰會稽有鐵崖山其高百
丈上有綠萼梅數百樹層樓出梅花外積書

數萬卷

石鏡藏書數千卷

方希古石鏡精舍記曰乃即石鏡之陽為精舍聚六經羣

書數百千卷俾子孫講習其中

藏書五

增詩宋楊億觀書應制詩曰羣玉中天開策府神龜溫
海薦圖書 明皇甫汈皇史宬詩曰皇史宬帝籍金
為匱石為室籤累綈緗部甲乙邇文華充武庫簡鴻編
讐承誤於萬斯年守之固

增銘元袁桷蘇氏藏書室銘曰六學鴻烈代天昭明精

思纂微辭以立誠匪事於言不言奚宣析理日繁直至
衍傳謂默足以通紀其知聞敬焉孰持道焉孰存趙郡
蘇氏崇其書楹剖波雲章經緯有程靈根湛虛服習粹
精廣以觀萬約以守一迎之莫尋倚兮不躋仰之元聖
學海彌溢

增表宋晏殊太清樓觀書表曰受羲姒之珍錄舉雲亭
之古儀絳殿紫扃鴻鸞景從刻懿律於龜趺絢英辭於
芸閣山經海志多郭璞之靡詳縹帙松籤盡黃香之未

見 又謝觀書表曰丹函翠蘊藏先聖之寶章綈裘縹
囊集九流之閼籍

增記宋蘇軾李氏山房藏書記曰象犀珠玉怪珍之物
有悅於人之耳目而不適於用金石草木絲麻五穀六
材有適於用而用之則敝取之則竭悅於人之耳目而
適於用用之而不敝取之而不竭賢不肖之所得各因
其才仁智之所見各隨其分才分不同而求無不獲者
惟書乎自孔子聖人其學必始於觀書當是時惟周之

柱下史聃為多書韓宣子適魯然後見易象與魯春秋
季札聘於上國然後得聞詩之風雅頌而楚獨有左史
倚相能讀三墳五典八索九丘士之生於是時得見六
經者蓋無幾其學可謂難矣而皆習於禮樂深於道德
非後世君子所及自秦漢以來作者益衆紙與字畫日
趨於簡便而書益多世莫不有然學者益以苟簡何哉
余猶及見老儒先生自言其少時欲求史記漢書而不
可得幸而得之皆手自書日夜讀誦惟恐不及近歲市

人轉相摹刻諸子百家之書日傳萬紙學者之於書多
且易致如此其文詞學術當倍蓰於昔人而後生科舉
之士皆束書不觀遊談無根此又何也余友李公擇少
時讀書於廬山五老峰下白石菴之僧舍公擇既去而
山中之人思之指其所居為李氏山房藏書凡九千餘
卷公擇既以涉其流探其源采剝其華實而咀嚼其膏
味以為已有發於文詞見於行事以聞名於當世矣而
書固自如也未嘗少損將以遺來者供其無窮之求而

各足其才分之所當得是以不藏於家而藏於故所居之僧舍此仁者之心也 明梁寅梁氏書莊記曰所謂

莊者田舍之稱也秔稻菽粟之所藏也吾無田以獲秔稻菽粟而所藏惟書子孫守焉無租稅無科需而學之成也又足以應上之求贊時之治是吾之不念子孫立產業乃所以深念夫子孫者嗟夫山之為石者有銀之礦而綠生焉有鐵之礦而朱生焉然則家之有書而後嗣之能學亦理之然也若夫有書而或怠於學者人也

學之成而祿不及者天也為子孫者又當盡乎人而聽之天可也

校書一

增漢書藝文志曰成帝時詔光祿大夫劉向校經傳諸子詩賦步兵校尉任宏校兵書太史令尹咸校術數侍醫李柱國校方技後漢書文苑傳曰劉珍字秋孫一名寶永初中為謁者僕射鄧太后詔使與校書劉駒駘及五經博士校定東觀五經傳記藝術拾遺記曰曹

曾魯人也天下名書上古以來文篆訛脫曾皆刊正垂

萬餘卷 蜀志曰向朗字巨達年八歲手自校書刊定

謬誤 晉書傳曰鄭默字思元起家祕書郎考覆舊文

刪省浮誤中書令虞松謂曰而今而後朱紫別矣 又

曰齊王攸就人借書必手刊其謬然後還之 顏氏家

訓曰漢書田肯賀上江南本皆作宵字沛國劉顯博覽

經籍偏精班漢梁代謂之漢聖顯子臻不墜家業讀班

史呼為田肯梁元帝嘗問之荅曰此無義可求但在家

舊本以雌黃改宵字為肯吾至江北見本為肯 南史

傳曰劉之遴鄱陽王範得班固漢書真本獻東宮令之
遴與張纘到溉陸襄等參校異同之遴錄其異狀數十
事 後周書曰元偉世宗初拜師氏中大夫受詔於麟

趾殿刊校經籍 又曰明帝幼好學博覽羣書及即位

選公卿以下有文學者八十餘人於麟趾殿刊經史

唐書儒學傳序曰太宗讐正五經繆闕頒天下示學者

又傳曰顏師古名籀少博覽精訓詁太宗嘗歎經籍

去聖久遠傳習易訛詔師古於祕書省考定五經多所

釐正 又曰馬懷素有詔勾校祕書是時文籍盈漫皆

炁朽蟬斷籤牒紛舛懷素建白願下紫微黃門召宿學

巨儒就校繆闕 又曰褚無量初內府舊書自高宗時

藏宮中甲乙叢倒無量建議請繕錄補第以廣祕籍天

子詔於東都乾元殿東廂部彙整比無量為之使 又

曰尹知章馬懷素校定祕書奏知章是正文字 又曰

鄭覃始以經籍刊繆博士陋淺不能正建言願得巨儒

鴻生共力讐刊準漢舊事鏤石太學詔可覃乃表周墀

崔琳張次宗孔溫業是正其文刻於石 又曰陸龜蒙

得書熟讀乃錄讐比勤勤朱黃不去手所藏雖少其精

皆可傳借人書篇帙壞舛必為輯褫刊正 宋史藝文

志曰神宗改官制以崇文院為祕書省編輯校定正其

脫誤則主於校書郎 又曰徽宗以三館書多逸遺命

建局以補全校正為名 又傳曰李至上言五經書疏

已版行惟二傳二禮孝經論語爾雅七經疏未備今直

講崔頤正孫奭崔偓佺皆勵精勤學博通經義望令重
加讐校備梓從之後又引吳淑舒雅杜鎬檢正謬謬

又曰李覺舉九經太宗以孔穎達五經正義鑄版詔孔
維與覺等校定 又曰石中立直集賢院與李宗諤楊
億劉筠陳越相厚善校讐書凡更中立者人皆傳之

又曰田敏詔與馬鎬等同校九經敏雖篤於經學亦好
為穿鑿如改尚書盤庚若網在綱為若網在綱重言綱
字又爾雅榘末槿注曰日及改為白及如此之類甚衆

世頗非之 又曰宋綬家藏書萬卷親自校讐 又曰

余靖遷祕書丞建言班固漢書舛謬命與王洙并校馬

范二史書奏擢集賢校理 元史傳曰何中少穎拔以

古學自任家有藏書萬卷手自讐校 又曰謝讓仁宗

命中書纂集典章以讓精律學使為校正官 明紀成

化九年敕儒臣校訂宋儒朱熹通鑑綱目鏤版以行朱

石通鑑綱目考證序曰上虞徐昭文考朱子通鑑綱目

凡例以證刊本脫誤及補朱子之未備凡若干卷名曰

考證有以淑後之人其功不細矣 明詩紀事曰桑悅
字民懌為博士弟子謁部使者書刺曰江南才子使者
大駭延之校書豫刊落以試悅校至不屬即索筆取書
足之使者乃敬禮焉 又陸容字文量太倉人少與張
泰陸鈇齊名時稱婁東三鳳居恒手不釋卷家藏書萬
餘卷皆手自讐校

校書二

增校亥豕

辨雌霓

上詳卜商注
下見校書四

刪金篆

薦玉編

盧綸和常舍人集賢即事詩
曰麟筆刪金篆龍韜薦玉編

填蚪篆

啓銀璫王逢寄僕

正字詩曰芸窗填蚪篆蓬觀啓銀璫

太乙精

釣鼇客

拾遺記曰劉向校書天祿夜有

老人植青藜杖吹杖端焚火見向說開闢已前請姓名云我太乙之精帝聞卯金子有博學者下而觀焉泰

觀謝館職啓曰東海釣鼇客建封任以校書

檢白雲

勘青編

上見書籍三孫僅

勘書詩曰儒家無外事招客勘青編

無一舛

得三誤

宋史傳曰張壘閉戶讀書四十

年手校數萬卷無一字舛

姚燧國統離合表序曰走未壯時讀通鑑綱目書於蘇門山嘗病國統散於逐年

事首不能一覽而得其離合之槩因年經而國緯之如史記諸表祕藏諸麓校官劉君德恭方刊讀史管見於

宣庠聞之請因是工可斷手於旬浹遂取微建二本重校勘之得三誤焉

未有所傷更

是一適

方或謂經典同異未有所傷非若醫方能致壽

天陶弘景亟稱之以為名言彼哉卑陋亦至於此又

曰或譏邢邵不善警書邢曰誤書思之更是一適且別

本是正猶未敢曰可而欲

以枝為杖

將束作宋

氏顏

家訓太山羊續亦稱問學讀潘岳賦周文弱枝之棗以
枝為杖策之杖世本容成造歷以歷為碓磨之磨談說
製文援引古今必須眼學勿信耳受李陽冰上李大
夫論古書曰嘗痛孔壁遺文汲冢舊簡年代寔遠謬誤
滋多以豐同豐將束作

得善書二萬卷

擇校官十

宋魯魚一惑涇渭同流

五人

唐書傳曰蔣人值兵興圖籍散舛人署集賢小職
科次踰年各以部分得善書二萬卷玉海曰咸

平五年十二月以太清樓書尚有舛誤而未讐對者猶
二萬卷今流內銓擇官詳校試十五人詩論於銀臺得

劉均鼎震等七人
於崇文院校勘

不得妄下雌黃
豈可臆為點竄

顏氏家訓曰校定書籍亦何容易自劉向揚雄乃稱此
職耳觀天下書未編不得妄下雌黃或彼以為非此以
為是或本同末異或兩文皆欠不可偏信一隅也晏
殊荅范給事書曰太平興國中詔館閣讐校漢書安德
裕取西域傳山川名號字之古者改附近古集語錢熙
謂曰余於此書特經師授皆有訓說豈可冒臆塗竄以
合辭

討析申熟必暢本源

問義質疑有所依據

唐書

傳曰顏師古拜祕書少監專事古文奇字世所惑者討
析申熟必暢本源宋史傳曰崔頤正雍熙中李至上

言本監先校定諸經音疏其間文字訛謬尚多蓋所遣
官多專經之士或通春秋者未習禮記或習周易者不
通尚書至於旁引經史皆非素所傳習以是之故未得
周詳伏見國子博士杜鎬直講崔頤正孫奭皆苦心強

學貫通九經問義質疑有所
依據望令重加刊校從之

校書三

原以陶為陰

劉歆七略云古文或誤以典為與以陶為陰如此類多

以魚為魯

抱朴子云書三寫以魚為魯以帝為帛

孔子反魯

漢書禮樂志云周道始鼓怨刺之詩起王

澤既竭而詩不作王官失業雅頌相錯孔子論而定之故曰吾自衛反魯然後樂正雅頌各得其所

卜

商返衛

家語云卜商字子夏嘗返衛見讀史志者云晉師伐秦三豕渡河子夏曰非也已亥耳讀史志

者問諸晉史果曰已亥於是衛人以為聖

校書麟閣

漢書云揚雄校書麟閣之上

校

書天祿

揚雄集序云王莽篡位時雄為中散大夫常校書天祿閣

覆校錯誤

荀勗讓樂

事表云臣掌著作又知祕書今覆校錯誤十萬餘卷書不可倉卒復兼他職必有廢頓案晉書勗進位光祿大夫命掌樂事脩律呂故有是表

刪除繁重

晉中興書云李充為大著作即時典籍混亂充刪除

繁重以類相從分作四部甚有條貫

崇七經刪百氏

劉楨魯都賦云若乃考王道之去就

覽萬代之興衰廢龍圖於金縢啓洛典於石扉崇七經之旨義刪百氏之乖違

芟煩亂截浮

辭孔安國尚書序云芟夷煩亂翦截浮辭謹案芟除也截絕也煩言亂句則除之浮偽虛詞則絕之

張霸春秋減為二十萬言

東觀漢記云張霸字伯饒少以樊條刪嚴氏公羊春秋猶

多繁詞乃減為二十萬言更名張氏之學

桓郁尚書省成十三萬言

范蔚宗後

漢書云桓榮以尚書入授顯宗為二十三萬言子郁復刪省定成十三萬言由是有桓君大小之學以上北

堂書

增校典墳

許渾送韋校書詩曰職已為書記官猶校典墳

校蟲魚

李東

陽漫興詩曰老眼昏花懶看書猶將朱墨校蟲魚

一持一讀

劉向別傳曰讐校者一人持本

一人讀折若怨家相對故曰讐也

一掃一生

筆談曰宋宣獻博學喜藏異書皆手自讐校嘗

謂校書如掃塵一面掃一面生每三四校猶有脫誤

誤書閏月

太平御覽正謬語曰左傳曰晉

師閏月濟於陰阪杜預注云長厯推之此年無閏月數為門五日五字上與門字合也

誤作別

風

文心雕龍練字篇曰簡蠹帛裂三寫易字或以音訛或以文變子思弟子於穆不記者音訛之異也晉之

史記三豕渡河文變之謬也尚書大傳有別風淮雨帝王世紀云列風淫雨別列淮淫字似潛移淫列義當而

不奇准別理乖而新異傳毅制誅已用淮雨若信義棄奇則可與正文字矣

誤讀蹲鵠

顏氏

家訓曰江南有一權貴誤讀蜀都賦注解蹲鴟芋也乃為羊也人饋羊肉荅云損惠蹲鴟舉驚駭不解事義久後尋迹乃知如此

不知尸雞

又曰太史公記曰寧為雞口毋為牛後此是刪戰國策耳按延

篤戰國策音義曰尸雞之主從牛子則口當為尸後當為從俗寫誤也

討論五經

顏師古見

上詳定九經

宋史傳曰張昭周世宗顯德二年詔令詳定九經文字并議三禮圖祭玉鼎釜

等昭援引經據時稱其精博

校麗正書

唐書傳曰元行沖知麗正院又奏陸紹伯馬利徹等

入校麗

校集賢書

石中立見上

校書蓬萊

李頎送綦毋三潛謁房給

正書

事詩曰惜哉湖海上曾校蓬萊書

校書芸閣

宋登春高齋小集詩曰校書升芸閣

一

字不倫

注見上

一字未正

明皇雜錄曰劉晏以神童為祕書省正字上問晏曰汝為

正字正得幾字對曰餘字皆正惟朋字未正耳

校書四

增詩宋孫僅勘書詩曰儒家無外事招客勘青編筆墨
東西置丹黃次第研頻憂傷點竄細恐誤流傳目因繁
處倦心向注中專端坐窮今古披襟見聖賢疲勞時舉
白遊息或談玄得興忘昏曉題名記歲年棲毫思確論
廢卷恨亡篇

增啓宋強致謝除校勘啓曰竊以國家右文寔昌聚書

增廣經始靈蘭之祕發揮河洛之文表章著明淵源深厚然惟道術分裂時師異言下逮九家猶瘡於野彼雖小道亦有可觀故裨官以芻蕘而弗遺辭賦比博奕而猶幸采獲非一多愛益新名山之藏為空廣內之策加倍而後實事是求聚精會神艾夷複重筆削譌謬是以圖書之府貴比列星之居校讐之官寵甚治民之最自非精力過絕篤志淵微言古而能驗今聞一足以知十則何以辨雌霓之為字信魯魚之失真 又林希謝校

勘啓曰備員書局已忝下陳假職儒林尤非素望始甚
疑而終信外彌懼而中慙撫已何堪覲顏無措惟本朝
右文之盛列聖嚮儒之勤悉聚前世之書逮侔治古之
烈雖禁中所覽別貯於太清而祕閣所藏頗多於三館
並選髦俊俾資校讐悉發廣內之藏兼訪名山之副於
是有出於閭閻而應募寫於郡國而送官其來不窮所
得益廣互鈔以補殘缺相校而除複重一新黃卷之風
盡消白簡之蠹

求書一

增靈寶記曰吳王闔閭出遊包山見一人自言姓山名
隱居闔閭叩之乃入洞庭取素書一卷其義不可識令
人齎問孔子孔子曰某聞童謠曰吳王出遊觀震湖靈
威丈人山隱居北上包山入靈墟乃入洞庭竊禹書天
帝大文不可舒此文長傳百六初漢時李氏得周官
上於河間獻王獨闕冬官一篇獻王購以千金不得遂
取考工記以補其處前漢書曰成帝河平三年遣謁

者陳農求遺書於天下 伏滔北征記曰皇天塲古陶

穴晉時有人逐狐入穴行十里得書二千餘卷 後魏

書曰道武嘗問博士李先曰天下何物最善可以益人
神智對曰莫若書籍乃命郡縣大收書籍悉送平城

隋書傳曰牛弘字里仁開皇初授祕書監以典籍遺逸
表請開獻書之路曰爰畫肇於庖犧文字始於蒼頡孔
子憲章祖述制禮刊詩正五始而修春秋閱十翼而弘
易道及秦始皇下焚書之令先王墳籍埽地皆盡此則書

之一厄也漢興敦尚儒術建藏書之策置校書之官屋
辟山巖往往間出外有太常太史之藏內有延閣祕書
之府及王莽之末宣室圖書並從焚燼此則書之二厄
也光武尤重經術未及下車先求文雅肅宗親臨講肄
和帝數幸書林其蘭臺石室鴻都東觀祕牒填委更倍
於前及獻帝移都圖書縑帛皆取為帷囊所收而西者
才七十餘乘屬西京大亂一時燔蕩此則書之三厄也
魏文帝興更集經典晉氏承之文籍尤廣屬劉石憑陵

從而失墜此則書之四厄也晉宋之際學藝為多齊梁之間經史彌盛蕭繹據有江陵破平侯景收文德之書及公私典籍重本七萬餘卷及周師入郢繹悉焚之於外城此則書之五厄也今御書單本合一萬五千餘卷比梁之舊目止有其半至於陰陽河洛之篇醫方圖譜之說彌復為少於是下詔獻書一卷賚縑一匹一二年間篇籍稍備唐書元載為相奏以千錢購書一卷又命拾遺苗發等使江淮括訪又曰文宗時鄭覃侍講

進言經籍未備因詔祕閣搜采於是四庫之書復完

又曰昭宗命監察御史韋昌範等諸道求購 文獻通

考曰後唐莊宗同光中募民獻書及三百卷授以試銜
其選調之官每百卷減一選天成中遣都官郎中庾傳
美訪圖書於蜀得九朝實錄及雜書千餘卷而已 又

後漢乾祐中禮部郎司徒調請開獻書之路凡儒學之
士衣冠舊族有以三館七書上者計卷帙賜金帛多者
授以官秩 又周世宗銳意求訪凡獻書者悉皆優賜

又宋建隆四年下詔購亡書三禮涉弼三傳彭幹學
究朱載等皆詣闕獻書弼等並賜以科名 宋史太宗
紀曰太宗性嗜書宣祖總兵淮南財物悉無所取第求
書以貽之 又曰雍熙二年購逸書 又仁宗紀曰景
祐二年購求館閣逸書 文獻通考曰嘉祐六年詔購
館閣闕書卷支絹一匹五百卷與文資官 又宣和四
年詔令郡縣訪求藏書有足觀采即命以官 又高宗
渡江獻書有賞或以官故家藏者或命就錄鬻者悉市

之 遼史道宗紀曰清寧十年十一月詔求乾文閣所
闕圖籍 金史章宗紀曰泰和元年十月敕有司購遺
書宜優其值以廣搜訪不願送官者寫訖還之仍量給
其值之半 元史仁宗紀曰武帝即位六月癸巳詔立
帝為皇太子遣使四方旁求經籍識以玉章命近侍掌
之 明紀洪武二十三年十二月購遺書福建布政司
進南唐書金史蘇轍古史 又永樂四年上問文淵閣
經史子集皆備乎解縉對曰經書粗備子集多闕上曰

古人家稍有餘資皆欲購書況朝廷而可闕乎令擇通
知典籍者四出購求

求書二

增金帛招來

江淮括訪

山堂考索河間獻王以金帛招來四方美書多與漢室等

見下

枕中鴻寶

帳中祕書

博物志曰劉德治淮南獄得枕中鴻寶祕書

袁山松書曰王充所作論衡中土未有傳者蔡邕入吳始得之恒祕以為談助抱朴子曰時人嫌蔡邕得異書或搜求其帳中隱處果得論衡抱數卷持去邕丁寧之曰惟我與爾共之勿廣也

置吏稱錄

計州繙緝

唐書傳曰令狐德棻武德初為起居舍人時大亂後祕書湮敝德棻始請帝重購天

下遺書置吏稱錄不數年國典略備又魏王泰傳曰
泰奏撰括地志欲速成乃分遣計州緡緝疏錄五十篇

歷四幕成詔藏
祕閣所賜萬段

求諸海外

訪於郡國

羅鄂州東觀漢記序曰隋

經籍志稱劉珍所撰漢記百四十三卷新舊唐書皆百
二十七卷吳兢所藏與官書同劉知幾所有才百十四

篇本朝歐陽公嘗欲求諸海外後復散亡今所存才十
卷耳宋濂剡源集序曰會有詔脩元史命濂總裁其

事事有關遺者遣使訪於郡國竊謂先生著作闕於勝
國宜多屬使者入鄞徧求之果以剡源集二十八卷來

上濂始獲
而盡覽焉

獲東夏經史

收荆南圖書

隋書牛弘請
開獻書之路

表曰及東夏初平獲其經史四部重雜三萬餘卷
獻通考曰乾德元年平荆南盡收其圖書以實三館文

出閭閻而應募

寫郡國而送官

林希謝館閣校勘
啓曰悉發廣內之

藏兼訪名山之副於是出於閭閻而應募寫於郡國而送官

祕藏不作山中計

重購何供海外求

邵寶張提學寄先師文正公新集詩云云

求書三

原開獻書路

漢武帝詳藏書

詔求亡失

論衡佚文篇曰孝明世好文人並徵蘭臺

之官大雄會聚今上即令詔求亡失購募以金安得不
有好文之聲唐虞既遠所在書散殷周頗近諸子存焉
漢興以來傳文未遠以所聞見伍唐
虞而什殷周炳炳郁郁莫盛於斯
汲縣得竹書

王隱

晉書云太康元年汲縣民盜發魏王冢得竹書漆字

河西得漆書

漢杜林詳尚書

集

天下遺書

漢武故事云淮南王安好學集天下遺書招四方之術士

求天下遺書

見上求書一

壞孔子宅得古文經傳

魯恭王詳尚書

開魏王冢

得穆天子傳

汲郡民間魏襄王冢得穆天子傳

采逸禮於殘竹聽遺

詩於達路

劉楨魯都賦云采逸禮於殘竹聽遺詩於達路覽國俗之盛衰求羣士之德素以上俱北

堂書

增棄產置書

見書籍何假百城注

剪髮易書

元史傳曰陳祐少好

學家貧母張氏剪髮易書使讀之遂博通經史

收咸陽圖書

史記曰高祖入咸陽蕭何先收

秦圖

收丹陽圖籍

北史曰隋裴矩伐陳之役領元帥府記室破丹陽晉王廣令與高穎

收陳

籍江南圖書

宋開寶八年冬平江南明年春遣太子洗馬呂龜祥就金陵籍其圖

圖籍

書得二萬卷

收雲南圖籍

元史世祖紀曰世祖既入大理命姚樞等搜討圖籍

悉送史館

訪三州圖籍

後唐史記曰都官郎中庾傳美充三州延訪圖書使

收兩浙書

籍

文獻通考云兩浙錢俶歸朝又收其書籍

十金易一字

唐書鍾傳傳曰彭玕通左氏春

秋嘗募求西京石經厚賜以金揚州至相語曰十金易一字百金購一篇況得士乎故士人多往依之

一書進一資

又于休烈奏國史開元寶錄起居注及餘書三

千八百餘藏興慶宮兵興焚燬皆盡請下御史覈史館所由購府縣有得者許上送官一書進官一資一篇絹十匹凡數月止獲三篇惟韋述以其家藏國史百三十篇上獻

求遼史事蹟

金史傳曰党懷

英充遼史刊脩官凡民間遼時碑銘墓志及諸家文集或記憶遼時舊事悉上送官

求三史遺

書

元史傳曰表桷請購求遼金宋三史遺書

訪兩都故遺

吳訥書宋丘公岳家傳曰元累

朝欲脩三史以統紀弗定弗果順帝至正元年因授經
郎危素請始詔脩之命危素乘傳至宋兩都訪摭遺
訪故都圖籍徐一夔與王待制書曰獨順帝一朝三
十六年之事以無實錄可據今遣使者
搜訪故都圖籍列郡文移有關於三
十六年之政體俱收並錄以備采擇

求書四

增詩明胡翰送呂君采史北平詩曰又見陳農去遙臨
析木墟山川遊幸後文獻亂離餘備極傳聞異歸從直
筆書百年殷監在盡獻玉階除 又吳伯宗送呂君采
史北平詩曰八月烏啼海子橋南來使客下青霄雲埋

石室丹書在日落延秋翠岫遙麟史未全歸聖代龜文
猶得認前朝詞臣載筆需文獻莫遣回車久寂寥

載書負書一

增拾遺記曰黃帝遣風后負書常伯荷劒旦遊洹流夕
歸陰浦行萬里而一息 戰國策曰蒙穀負雞次之典
蒙穀獻典五官得法 墨子曰墨子南使衛載書甚多
強唐子逢而怪之對曰昔周公朝讀書百篇夕見七十
士相天下猶如此吾安敢廢此也 後漢書曰光武未

及下車先訪儒雅先是四方學士多懷挾圖書遁逃林藪自是莫不抱負墳索雲會京師 又曰光武遷洛陽

其經牒祕書載之二千餘兩 又曰左雄字伯豪再遷

尚書令奏徵海內名儒使為博士於是負書來學雲集

京師 續漢書曰李固為公子躬步以驢負書從師

拾遺記曰曹曾聚天下名書上古以來文篆訛落者曾

皆刊正垂萬餘卷及收天下遺書於曾家連車繼軌輸

於王府 晉書曰張華無餘財惟文史溢几案徙居載

書三十車也

南史傳曰劉勰字彥和撰文心雕龍五

十篇未為時流所稱欲取定於沈約無由自達乃負書
候約於車前若貨書者約取讀大重之 唐韋述傳曰

父景駿為肥鄉令述從到官元行沖景駿姑子也為時
儒宗載書數車自隨述入其室觀書不知寢食 宋史
傳曰馬伸在廣陵行篋一擔圖書半之 司馬光進資

治通鑑表曰前後六任皆聽以書局自隨 遼史曰義

宗名倍起書樓於西宮作樂田園詩唐明宗聞之遣人

跨海持書招倍倍因畋海上載書浮海而去 金史傳
曰完顏勛宗翰宗望定汴州受宋帝降太宗使勛即軍
中勞之宗翰等問其所欲曰惟好書耳載數車而還

又曰范承吉天眷五年宗翰克宋所得金珠承吉司其
出入無秋毫私及還犢牛載書史而已 元史傳曰廉
希憲自江陵召還囊橐蕭然琴書自隨而已 又曰和

尚子遷努至元十五年奉使江西撫慰新附之民使還
惟載書籍數車獻之皇太子 又曰楊奐金元帥以汴

京降與微服北渡冠氏帥趙壽之延致待以師友之禮
門人有自京師載書來者因得盡讀之 明詩紀事曰

陶宗儀字九成遭亂播遷必以書帙自隨 又孫作字

大雅江陰人至正兵亂挈家三吳間惟載先世藏書兩
簾 宋濂王冕傳曰結茅廬三間自題為梅花屋常倣
周禮著書一卷坐臥自隨

載書負書二

增持書數囊

載卷兩簾

馬祖常上都分院記曰惟詞
臣獨無他為從容載筆給

軺

傳道路續食持書數囊吏空牘
旬日不一署文書 孫作見上

家具一車 行李千

卷 楊基送句容楊少府回揚州詩曰家具一車輕囊
書與短檠 陸深秋懷詩曰年來行李書千卷

兒載而往 駝負以行 梁寅贈徐大章序曰乃命兒子
岷買舟載書籍由京口而往留

錢塘踰一月 姚燧參知政事賈公神道碑曰公名
守謙視政之暇未嘗廢書從戎亦索駝負書以行

吳越扁舟 圖書一束 徐賁宿王判簿宅送徐孟岳詩
曰來往遊吳越扁舟只載書

孫黃送高文賢遊杭州詩曰今晨
約我武陵行一束圖書畫舸輕 舟歸潁水 載入

京師 歐陽修讀書詩曰買書載舟歸築室潁水岸 元
史曰初巴延平江南嘗命張瑄朱清等以宋庫藏

圖籍自崇明州由
海道載入京師 揚州數車 廣陵一擔 上見寫書
二下詳

一 原抱符子而趨

負周官不捨

符子云朗家楚朗棄千金之劍抱符

子而趨曰夫千金利劍剖割之所存焉符子之書大道之所居焉車府秦書曰太常居家雖流移苦寒常自負周官終不敢捨以上北堂書鈔

載書負書三

原墨子載書

見上負書一

王壽負書

韓子云王壽負書而行見徐馮於周塗馮

曰事者為也為生於時知者無常事書者言也言生於知知者不藏書今子何獨負之而行於是王壽因焚其書而舞之故知者不以言談教而惠者不以藏書篋

書載數車

蔡邕事詳藏書

負書

擔橐

史記曰蘇秦說秦王書十上而說不行去秦而歸負書擔橐形容枯槁面目黧黑

增帶

經而鉏

見尚書二

帶經就春

劉岐玉友傳曰少時帶經就春方士中黃生白水真人一

見定交并白之間

鹿車載書

金史元好問故物著見前寫書一

荷擔自隨

姚鉉見寫書

縹囊自隨

見上

游宦以書自隨

胡三省新注資治通鑑序

曰寶祐丙辰始得大肆其力於是書遊宦遠外率攜以自隨遇異書異人必就而正焉

坐臥以

書自隨

王冕見上

賜書一

增後漢書傳曰東平王蒼來朝賜以祕書列仙圖道術祕方又曰竇融與五郡太守共砥厲兵馬上疏請師

期帝深嘉美之乃賜融以外屬圖及太史公五宗外戚世家魏其侯傳 玉海曰宋賜西河王蒙遜周易及

子集諸書 南史傳曰晉安王子懋武帝第七子也啓

求所好書武帝曰知汝常以讀書為心也賜以杜預所寫左傳及古今善言 齊春秋曰蕭晉字元卿家有賜

書志學不倦 陳書曰江總字總持家傳賜書數十卷

總尋讀未嘗釋手 唐書曰垂拱三年新羅王金政明

遣使請禮記一部并新文章令所司寫吉凶要禮并於

文館詞林採其詞涉規諷者勒成五十篇賜之 又曰
開元十九年命有司寫毛詩禮記左傳文選各一部以
賜金城公主從其請也 李珣丞相牛公神道碑曰有
隋室賜書五千卷 劉禹錫贈司空奚公神道碑曰家
有賜書 玉海曰太平興國賜武臣軍誠 又雍熙賜
六韜 又淳化三年二月詔以新印儒行篇賜中書樞
密兩制三館 又三月己酉賜新第孫何等儒行篇各
一軸 又祥符六年十一月復以儒行篇賜親民釐務

諸文臣 又咸平元年七月賜諸王輔臣新印三史

又四年六月詔郡縣學校聚徒講誦之所各賜九經一部 又五年四月直祕閣黃夷簡上新三國志分賜親王諸臣 又景德二年六月賜殿前都指揮使高瓊九經書疏諸史各一部從其請也 又四年七月賜交趾九經 又至道三年九月殿中丞方演言曲阜文宣王廟有書樓而無典籍請賜九經從之 又七年正月國子監上新印孟子及音義賜輔臣 又天聖五年四月

賜新第王堯臣已下中庸八年四月賜王拱辰已下大學後登第者與儒行偕賜以為常 又嘉祐五年六月

詔鑄新唐書賜二府下逮脩書官 又治平四年六月

賜司馬光穎邸舊書二千四百卷資脩通鑑也 又元

祐七年七月賜諸路安撫鈐轄司并東京南京通鑑各

一部 又紹興五年十月賜新第汪應辰等御書儒行

篇 又淳熙三年十一月詔取袁樞資治通鑑紀事賜

皇太子 元史傳曰廉希憲至元二十年以疾請入覲

進資治通鑑帝即以賜東宮經筵講讀 蔡文淵農桑

輯要序曰仁宗在東宮欲念民事以舊版弗稱詔江浙
省端楷大書鋟版仍印千五百帙賜朝臣及諸宗室

元史文宗紀曰至順三年四月命奎章院學士院譯貞
觀政要鏤版摹印以賜百官 又順帝紀曰元統元年

五月安南乞諸佛經以九經賜之 又曰二年三月以

阿里海牙家書賜伯顏 明紀曰洪武十年二月宋濂

辭歸賜楮幣文綺及御製文集 又十三年以名臣戒

錄賜羣臣 又十四年頒賜五經四書於北方學校
又永樂七年五月賜皇太子聖學心法書 又宣德八
年賜朝鮮國王李禔五經四書大全諸書

賜書二

原家有賜書

後漢書曰班彪字叔皮幼與從兄嗣伯共遊太學家有賜書內足於才好古之士自

遠方至焉

賜祕閣書

續晉陽秋曰太元三年詔賜會稽王祕閣書八千卷

賜黃香

孟子

東觀漢記云章帝賜黃香淮南孟子各一通

賜太子韓子

晉中興書云中宗任

刑法以韓子賜太子

詔與千卷

義熙起居注云何無忌在祕閣求賜祕書詔與一千卷

送與一車

晉書云皇甫謐自表就帝借書帝送一車書與之謐雖羸疾而披閱不怠

賜祕

書之副

漢書班固以選受詔進讀羣書上器其能賜以祕書之副

賜四千許卷

蔡琰

別傳曹操問琰曰聞夫人家先多墳籍猶能憶識之否文姬曰昔亡父賜書四千許卷流離塗炭罔有存者今所誦憶裁四百餘篇

增賜山海經

後漢書曰王景永平二年議脩汴渠

耳以上北堂書鈔

乃引見問以理水形景陳其利害應對敏捷帝善之乃賜景山海河渠書禹貢圖

賜周禮疏

玉海云景德元年七月賜諸王宗室近臣新印周禮疏

賜三國志

見上賜書一

賜

新唐書

又嘉祐五年見上

賜杜預左傳

見上

賜荀悅漢紀

唐書

傳曰李太亮賜荀悅漢紀曰悅論議深博極得為政之體公宜繹味之

賜諸王三史

玉海

咸平元年見上

賜二府七史

又嘉祐三年五月詔以七史賜二府下連編校官

賜

九經三史

又祥符六年十一月賜御史臺九經三史三國志御

賜大學中庸

又天

聖五年四月八年四月見上

賜冊府元龜

又景祐四年二月賜御史臺冊府元龜天下圖

經各一部

賜文苑英華

宋史高麗傳曰哲宗立王遣使金上錡奉慰林暨致賀請市刑法之

書太平御覽開寶通禮文苑英華詔惟賜文苑英華一部

賜新印孟子

玉海至道七年正月

見上賜御書孝經

又紹興十四年七月詔諸州以御書孝經刊石賜見任官及係籍學生

賜黎氏九經

宋真宗紀曰景德中賜黎廷龍九經

賜交趾九經

玉海景德

四年七月見上

賜貞觀政要

元史傳曰察罕帝問狄仁傑對曰當唐室中衰能卒保社稷亦

賢臣因誦范仲淹所撰碑甚熟帝歎息良久曰察罕博學如此耶嘗譯貞觀政要以獻帝大悅詔寫徧賜左右

賜大學衍義

又仁宗紀曰武宗即位六月癸巳詔立為皇太子時有進大學衍義者命詹事

王約節而譯之帝曰治天下此一書足矣因命與圖象孝經列女傳並刊行賜臣下

賜祕府經

籍

又傳曰奕赫抵雅爾宮仁宗知其好學出祕府經籍及聖賢圖籍以賜時人榮之

賜海牙

家書

見上

賜大家訓諭

王禕送鄭仲宗序曰上之三年夏詔徵江南諸大家悉赴闕而

親訓諭之凡天地陰陽性命仁義古今治亂盛衰紀綱法度賦稅供給風俗政治得失之故諄諄焉凡數千百言又恐其忽遺忘也則類為書以摹本分賜之

賜御製文集

鄭楷翰林承旨宋公行狀見上

賜歐陽全集

鄒緝書六一居士外集後曰余再自北京從還京師入見皇太子獲賜歐陽公

全集一百五十七卷裝繕齊整蓋尤為至寶之物

賜太子以聖學心法

見上

賜諸子以大學衍義

吾學編云仁宗雅志儒術務學問諸經皆通於書尤熟嘗錄太祖金陵碑文授諸子又刊真

德秀大學衍義賜諸子

賜張耆以冊府元龜

宋史傳曰真宗

在東宮嘗命授以論語左氏春秋後又賜以宸戒二十條及聖政記冊府元龜

賜韓世忠以

郭子儀傳

玉海云建炎四年八月韓世忠遷檢校少師翼日上諭大臣曰世忠不親文墨朕方寫郭

子儀傳欲付卿等呼諸將讀示之

賜青州學以九經

玉海云天聖九年二月賜青州

州學

賜白鹿洞以九經

王禕遊白鹿洞記宋太平興國二年嘗賜白鹿洞九經

班彪家有賜書

蕭晉家有賜書

俱見上

牛僧儒有

隋室賜書

上見

柳宗元有舊宅賜書

唐書傳曰柳宗元
貽京兆尹許孟容

書曰家有賜書三十卷尚在善和里舊宅今三
易主書存亡不可知然付受所重猶繫心胃

賜書三

增表宋歐陽修謝賜漢書表曰竊以右文興化乃致治之所先著錄藏書須太平而大備惟漢室上繼三代之統而班史自成一家之書文或舛訛蓋其傳之已久詔加刊定俾後學以無疑一新方冊之文增煥祕書之府而奏篇之始方經衡石之程賜本之榮惟及鈞樞之近

敢期孤外特與恩頒曲軫睿慈俯矜舊物謂其嘗忝臣
鄰之列不忍遽遺謂其自喜文字之間俾之娛老然臣
兩目昏眊雖嗟執卷之已艱什襲珍藏但誓家傳之永
寶 宋張舜民謝賜資治通鑑表曰臨政願治乃明主
之用心爰詔脩書皆儒臣之能事成而進御寵以匪頒
何彼下臣遽霑優賜恭惟英宗皇帝生知典學性好觀
書豈惟求之多聞實欲輔之自得然萬幾叢委載籍紛
繁自學者不能徧窺況人主何暇周覽思有所述頗難

其人疇若人哉莫如光者給尚方之筆札萃三館之圖

書許自辟官用資檢討量加常俸不責課程上下馳騁
於數千載出入將隨於十九年其間明君良臣箴規議
論切磨之精語名將循吏方略條教魁梧之偉功休咎
庶徵之原天人相與之際搜摘姦宄褒崇善良網羅羣
言囊括舊史如海之藏珍怪魚龍之無數如山之包草
木鳥獸之難名披分畎澮之末流蔽映雕蟲之小技旅
遊東國常屢歎於斯文留滯周南遂克終於先業雖古

者興亡事迹固已燦然而光之筋力精神於此盡矣尚
苦言官之督責熟諳俚俗之謗嗤卒成一代之書仰副
兩朝之志揭為通鑑時則弗迷資彼治原舍茲安出神
宗皇帝詔講筵而進讀揮宸翰以賜名製序而冠其篇
端鏤版而布之天下仰君臣之際會已極丹青何父子
之淪亡忽悲風露豈謂門牆之舊物退收鉛槧之微功
開卷涕流拜嘉汗浹

借書一

增西京雜記曰匡衡勤學邑人大姓不識字家富多書

乃與客作不求其價主人怪而問之衡曰願得主人書

徧讀焉主人感歎給以書後成大儒先賢行狀曰延

篤從唐溪李度受左氏欲寫無紙乃借本讀之及辭歸

李度曰卿言寫本何故辭歸荅曰已誦之矣蜀志曰

李權從秦宓借戰國策王隱晉書曰齊王攸好學借

人書皆治護時以還之又曰柳世隆字彥緒性愛涉

獵啓高帝借祕閣書給二千卷又曰崔慰祖好學聚

書至萬卷鄰里年少好事者來從假借日數十袁慰祖
親自取與不以為煩 又曰袁峻字孝高家貧無書每
從人假借必皆鈔寫 又曰任孝恭字孝恭精力勤學
家貧無書常崎嶇從人假借每讀一過諷誦略無所遺
後魏書曰崔亮家貧傭書自業時隴西李冲當朝用
事亮從兄往依之謂亮曰安能久事筆研也彼家饒書
因可得學亮曰弟妹飢寒豈可獨飽自可觀書於市安
能看人睂睫乎 北齊書曰劉晝少負笈從師服膺無

倦恨下里少墳典便策杖入都知太府少卿宗世良家
多書乃造焉世良納之晝夜披覽不倦 隋書傳曰劉

焯字士元少與河間劉炫結盟為友武強交津劉智海
家多墳索焯與炫就之讀向經十載雖衣食不繼晏如
也 又曰盧思道字子行聰爽俊辨就魏收借異書數
年之間才學兼著 又曰中書令李敬元博覽羣書特
善三禮初上在東宮馬周啓薦之召入崇賢館兼預侍
讀仍借御書使讀之 宋史傳曰郎簡幼孤貧借書讀

之多至成誦 又曰田錫奏曰舊有御覽但記分門事

類臣請略鈔四部別為御覽三百六十卷萬幾之暇日
覽一卷經歲而畢真宗善其言詔史館以書借之 又

曰任希力學家貧常從人借書以讀 又曰鄭樵好著

書自負不下劉向揚雄居夾漈山謝絕人事久之乃游
名山大川搜奇訪古遇藏書家必借留讀盡乃去 又

曰汪應辰從人借書一經目不忘 呂祖謙奉旨詮次

文鑑劄子曰本朝諸文集及士大夫家宛轉假借 元

史傳曰齊履謙篤志苦學家貧無書及為星厯生在太
史局會祕書監輦宋故書留置本院因晝夜諷誦深究
自得明詩紀事曰吳有閭起秀卿者家惟一僮日走
人家手鈔口吟日夜不輟

借書二

原從民借書

漢河間獻王從民約借善書必為好寫之
留其真本加金帛賜以招之由是四方不

遠千里或有先祖
舊書必奉以獻之

從帝借書

詳賜書二

桓生與班嗣借

書

班游受詔進讀羣書游生穉穉生彪彪與從兄嗣共
游學家有賜書桓生借其書嗣報曰吾子已貫仁義

之羈絆何用大道昔有學步邯鄲者失其故步匍匐而歸恐似此故不進之嗣貴老莊故云云桓生譚也

許慈與胡替爭書

蜀志曰許慈與胡替為博士更相克伐分爭書籍有無皆不相通借也

以上俱白帖

增給二千卷

柳世隆見上

借起居注

梁書傳曰吳均欲撰

齊書求借起居注及

借春秋家

崇文總目云春秋集傳十五卷王公惠學

者自私其家學乃集三傳之說刪為一書又見祕書目有先儒春秋之學頗多因啓求之得董仲舒等十餘家

假中祕書

李敬元見上

假祕閣書

唐書傳曰李邕願一見祕書李嶠曰祕書

萬卷豈時日能習耶邕固請乃假直祕書未幾辭去嶠驚問與義隱衷了辨如響

借書三館

司馬光進資治通鑑表曰於崇文院置局許借龍圖天章閣三館祕閣書籍

借書兩淮

郝經

續後漢書序曰借書於兩淮制置應雷得兩漢三國晉書遂作正史

題戶借三墳

毛漸

序曰元豐七年余奉使西京巡按屬邑歷唐州之比陽寓食民舍有題於戶三墳書某人借去亟呼主人而問之曰古之三墳也其家實有是書取而閱之三墳各有傳墳乃古文而傳乃隸書

從人借二

史樓昉東漢詔令自序曰愚未冠無書可觀雖二史亦從人借

借書旬日即歸

見

讀誦二 借書旬日皆盡

宋史傳曰宋次道知亳州家多書劉恕枉道借覽次道日具饌

為主人禮恕曰此非吾所為來也殊廢吾事悉去之獨閉閣晝夜口誦手鈔留旬日盡其書而去兩目為之盲

待借君侯出異書

潘大臨荅王立之惠書詩曰明年生計應堪說待借君侯出異書

猶向君王乞祕書

邊貢贈長垣宗侯詩曰瑤室青編萬卷餘宮中誰道日閒居家臣昨


夜長安去猶向
君王乞祕書

借書三

增書唐王績與陳叔達重借隋紀書曰久承所撰隋紀
繕寫咸畢前舍弟及家人往並有書借咸不見付豈連
城之珍俟楚文而乃進泰山之操待鍾期而後發應以
左貂右蟬榮冠東省掌壺負璽望重南宮朝夕丹墀揖
讓增價往來青瑣步頓生光豐屋華棖顧蓬蒿而徙眷
鳴鐘列鼎想藜藿而移交不與驕期遂忘曩時之好耳

僕遭逢明聖棲遲丘壑幸悅堯舜之風得全箕穎之操
雖心期所託吾道遙存而出處離異儀形難接所以願
憑鱗羽宛若承顏望觀述作欣然得意足下裁成國典
褒貶人倫欲使明鏡一時覆車千祀故當貽諸好事豈
擬惟傳子孫方復固其緘滕嚴其扃鐫天下之望豈如
是乎僕亡兄芮城嘗典著局大業之末欲撰隋書俄逢
喪亂未及終畢僕竊不自揆思卒餘功收撮漂零尚存
數帙兆自開皇之始迄於大業之初成亡兄點竄之遺

迹也大業之後言事闕然僕雖欲繼成無可憑采以此
尤思見足下之所作也 又陳叔達荅王績書曰賢弟
千牛及家人典琴至頻辱芳翰索下官所撰隋紀雖承
厚眷慙然自失誠恐持郗克之質入邯鄲之墟奏曹鄣
之音歷莖英之肆所以遲迴簡牘伏念旬時輒揆短懷
仰違前命今奉來札誨責逾深旣以驕鄙相訶又以緘
滕致誚欲加之罪其無辭乎正當要使必致爾



御定淵鑑類函卷一百九十四